

皇清經解卷一千二百八十三

學海堂

春秋公羊經何氏釋例

武進劉禮部逢祿著

貶例第八

隱二年無駭帥師入極傳不氏貶疾始滅也

三年尹氏卒傳貶譏世卿註不官不名

四年翬帥師傳不稱公子貶與弑公也

八年無駭卒傳疾始滅也故終其身不氏註嫌上貶起入爲滅故復爲終身貶之足見上貶爲疾始

十年翬帥師傳隱之罪人也故終隱之篇貶也註嫌上一貶可移於他事

桓四年天王使宰渠伯糾來聘案注每以去時爲貶傳所謂不

建書經解卷一千二百八十三劉禮部公羊何氏釋例一庚申補刊

又案傳無以王不稱天為貶之義故莊元年文五年經注詳譏例

十有一年柔會宋公陳侯蔡叔盟于折注蔡侯稱叔者以不能防正其姑姊妹使淫於陳佗故貶在字例

莊元年夫人孫于齊傳不稱姜氏貶與弑公也注貶者見王法所當誅

十七年齊人執鄭瞻傳此鄭之微者言齊人執之書甚佞也注不得為伯討者罪未成伯當遠之而已

三十年齊人伐山戎齊侯來獻戎捷傳齊侯也其稱人貶子司馬子曰蓋以操之為已蹙矣

僖元年齊師宋師曹師次于聶北救邢傳先言次後言救君也其稱師諸侯之義不得專封也注道太平制案二年城楚邱十四年城緣陵不言

桓公同義

夫人氏之喪至自齊傳不稱姜氏貶與弑公也不於其弑焉貶貶必於重者莫重乎其以喪至也

四年齊人執陳袁濤塗傳不脩其師而執濤塗古人之討則不然也案二十八年注無罪而執人當貶稱人

八年禘于太廟用致夫人傳不稱姜氏貶譏以妾為妻也

十有九年宋人執滕子嬰齊注名者叛天子命者也不得為伯討者妄執之著有罪者為襄公殺恥

二十有一年楚人使宜申來獻捷傳楚子也注据稱使貶為執宋公

貶注詐劫諸侯求其國當絕故貶

二十有七年楚人陳侯蔡侯鄭伯許男圍宋傳為執宋公貶故

終僖之篇貶也

二十八年晉侯齊師宋師秦師及楚人戰于城濮楚師敗績楚殺其大夫得臣傳其稱人貶大夫不敵君也注臣無敵君戰之義又注不氏者子玉得臣楚之驕蹇臣數道其君侵中國故貶明當與君俱治也

晉人執衛侯歸之于京師傳歸之于者罪已定矣歸于者罪未定也衛侯之罪殺叔武也此晉侯也其稱人貶文公逐衛侯而立叔武使人兄弟相疑放乎殺母弟者文公爲之也注逐之文不見故貶

三十三年晉人及姜戎敗秦于殽傳曩公親之稱人貶君在乎殯而用師危不得葬也

文七年晉人及秦人戰于令狐晉先昧奔秦傳先昧也稱人貶以師外也

十四年晉人納接菑于邾婁弗克納傳此晉卻缺也貶不與大夫專廢置君也

宣元年遂以夫人婦姜至自齊傳不稱姜氏貶譏喪娶也喪娶者公也曷爲貶夫人內無貶於公之道夫人與公一體也

晉趙盾帥師救陳宋公陳侯衛侯曹伯會晉師于斐林伐鄭傳不言趙盾之師君不會大夫之辭也注諸侯爲盾所會不與卑

致尊

案與得臣同義

八年仲遂卒于垂傳公子遂也不稱公子貶爲弒子赤曷爲不於其弒焉貶於文則無罪於子則無年

十年齊崔氏出奔衛傳貶譏世卿

十一年楚人殺陳夏徵舒丁亥楚子入陳傳其稱人貶不與外

討也雖內討亦不與也諸侯之義不得專討也

十五年宋人及楚人平傳大其平乎已也此皆大夫也其稱人

貶平者在下也汪譏二子在君側不先以便宜反報歸美於君

而生事專平故貶稱人

成二年公會楚公子嬰齊于蜀丙申公及楚人秦人宋人陳人

衛人鄭人齊人曹人邾婁人薛人鄆人盟于蜀傳此楚公子嬰

齊也其稱人得一貶焉爾

成四年鄭伯伐許注未踰年君稱伯者時樂成君位親自伐許

故如其意以著其惡案奪其子稱

襄二十六年晉人執衛甯喜傳執有罪不得為伯討不以其罪執之也

襄三十年晉人齊人宋人衛人鄭人曹人莒人邾婁人滕人薛

人杞人小邾婁人會于澶淵宋灾故傳此大事也曷為使微者

卿也其稱人貶卿不得憂諸侯也注時雖各諸侯使之恩實從

卿發故貶起其事明大夫之義得憂內不得憂外所以抑臣道

也宋憂內并貶者非救危亡禁作福也辨見箋

昭元年叔孫豹會晉趙武楚公子圍齊國酌宋向戌衛石惡陳

公子招蔡公孫歸生鄭軒虎許人曹人于鄆傳此陳侯之弟招

也不稱弟為殺世子偃師貶不于弒焉貶以親者弒然後其罪

惡甚春秋不待貶絕而罪惡見者不貶絕以見罪惡也貶絕然

禮記卷之三十三 劉禮部公羊何氏釋例 庚申補刊

後罪惡見者貶絕以見罪惡也招之罪已重矣曷為復貶乎此言楚之託乎討招以滅陳也

定元年晉人執宋仲幾于京師傳其言于京師伯討也其稱人貶大夫之義不得專執也注辟諸侯也不言歸者諸侯當決于天子犯之惡甚故錄所歸大夫當決主獄爾犯之罪從外小惡不復別也

四年楚人圍蔡注囊瓦稱人者楚為無道拘蔡昭公數年而復怒蔡歸有言伐之故貶明罪重於圍

誅絕例弟九

隱四年戊申衛州吁弑其君完傳以國氏當國也注與段同義九月衛人殺州吁于濮傳稱人討賊之辭也注明國中人人得

討之所以廣忠孝之路

冬十有二月衛人立晉傳立者不宜立也稱人眾立之之辭也注明下無廢上之義聽眾立之篡也立納入皆為篡

桓二年戊申宋督弑其君與夷及其大夫孔父注督不氏者起

馮當國

十一年宋人執鄭祭仲注不稱公者脅鄭立篡首惡當誅非伯

執也案非伯討者不盡入誅例當案罪狀

突歸于鄭傳突何以名摯乎祭仲也言歸順祭仲也

鄭忽出奔衛傳忽何以名春秋伯子男一也辭無所貶

十五年鄭伯突出奔蔡傳名奪正也注明祭仲得出之不以失眾錄也

鄭世子忽復歸于鄭傳復歸者出惡歸無惡復入者出無惡入有惡入者出入惡歸者出入無惡稱世子復正也

許叔入于許注稱叔者春秋前失爵在字例也入者出入惡明當誅也

鄭伯突入于櫟傳不言入于鄭祭仲亡矣不言忽之出奔言忽為君之微也祭仲存則存矣祭仲亡則亡矣

十六年衛侯朔出奔齊傳名絕之得罪於天子也注衛侯出奔楚不名

莊六年衛侯朔入于衛傳名絕之犯命也注據衛侯入于陳儀不名其言入篡辭也注上辟王不得言納故復書入不直言篡

事各有本也殺而立者不以當國之詞言之非殺而立者以當國之詞言之國人立之曰立他國曰納從外曰入有屬託力加自文也

九年公伐齊納糾齊小白入于齊齊人取子糾殺之傳脅我使我殺之也稱子糾宜為君者也注魯為齊殺之皆當坐弑君因解上納糾不為篡所以理嫌疑也

十二年甲午宋萬弑其君接及其大夫仇牧注爭搏弑君而以當國言之者重錄疆禦之賊禍不可測明當防其重者急誅之

宋萬出奔陳注弑君復見重錄疆禦之賊明當急誅之

二十五年衛侯朔卒注春秋篡明者當書葬朔案不字書葬

嫌與篡同例身絕國不絕故去葬明犯天子命重不得書葬與

盜國同案盜國者并絕國

皇清經解 卷五十五 劉禮部公羊何氏釋例 六 庚申補刊

僖九年晉里克弑其君之子奚齊傳殺未踰年君之號也  
十年晉里克弑其君卓子及其大夫荀息

晉殺其大夫里克傳里克弑一君不以討賊之辭言之惠公之  
大夫也孰立惠公里克也不言惠公之入踊爲文公諱也

二十四年晉侯夷吾卒注篡故不書葬明當絕也

二十五年楚人圍陳納頓子于頓注前出奔當絕還人爲盜國  
當誅楚納之與之同罪也

文元年丁未楚世子商臣弑其君髡注楚無大夫言世子者甚  
惡世子弑父之禍君之於世子有父之親有君之尊又責臣子  
當討賊也

十四年齊侯潘卒注不書葬者立儲嗣不明使臨葬更相篡弑

故絕其身明當更立其先君之後

齊公子商人弑其君舍傳未踰年之君言弑其君舍已立之已  
殺之成死者而賤生者也

十六年宋人弑其君處白傳大夫弑君稱名氏賤者窮諸人大  
夫相殺稱人賤者窮諸盜注降大夫使稱人降士使稱盜者所  
以別死刑有重輕也

十八年齊人弑其君商人注商人弑君賊復見者與大夫異齊  
人已君事之殺之且當坐弑君

莒弑其君庶其傳稱國以弑者衆弑君之辭注舉國以明失衆  
當坐絕也

宣二年晉趙盾弑其君夷獯

六年晉趙盾衛孫免侵陳傳趙盾弑君復見何親弑君者趙穿也加之趙盾不討賊也注君雖不君臣不可以不臣

襄十四年衛侯衎出奔齊注不書孫甯逐君者舉君出為重

二十五年衛侯入于陳儀傳不言入于衛諉君以弑也注未得

國言入起詐篡從此始

二十六年衛甯喜弑其君剽衛孫林父入于戚以叛甲午衛侯

衎復歸于衛傳此諉君以弑其言復歸惡剽也不言剽之立以

惡衛侯也注不舉衎弑諉成於喜孫林父本逐衎衎得誅之衎

名者起盜國盜國明則復歸為惡剽出見矣

二十九年閹弑吳子餘祭傳門人也刑人也近刑人輕死之道

也注不言其君者公家不畜士庶不友故不繫國

三十一年莒人弑其君密州注莒子納去疾及展立莒子廢之

展因國人攻莒子殺之去疾奔齊稱人以弑者莒無大夫密州

惡民所賤故稱國以弑之

昭元年莒去疾自齊入于莒莒展出奔吳注主書去疾者重篡

也莒無大夫書展者起與去疾爭篡當國言自齊者當坐有力

也皆不氏者當國不從莒無大夫去氏者莒殺意恢稱公子篡

重不嫌本不當氏

八年陳侯之弟招殺陳世子偃師注變其言陳者起招致楚滅

陳自此始

案元年傳去大夫相殺稱人此其稱名氏以殺言將自是弑君也君親無將將而誅焉

楚師滅陳執陳公子招放之于越殺陳孔瑗葬陳哀公注不舉

滅為重復書三事言執者疾諉託義故列見之託義不先書者

本懷滅心

十二年齊高偃帥師納北燕伯于陽注惡納篡也不書所篡出奔者微國雖未踰年君猶不錄

十三年楚公子比自晉歸于楚弑其君虔于乾谿傳其言歸無惡于弑立也靈王無道作乾谿之臺三年不成楚公子棄疾脅比而立之然後令于乾谿之役曰比已立矣後歸者不得復其田里衆罷而去之靈王經而死

楚公子棄疾弑公子比傳比已立矣稱公子其意不當也曷為加弑比之義宜乎效死不立大夫相殺稱人其稱名氏以弑言將自是為君也

十九年許世子止弑其君買葬許悼公傳賊未討書葬不成乎弑也止進藥而藥殺也加弑譏子道之不盡也曰許世子止弑其君買是君子之聽止也葬許悼公是君子之赦止也注明止但得免罪不得繼父後許男斯代立無惡文是也

二十一年冬蔡侯朱出奔楚注為東國所篡見日月例二十三年蔡侯東國卒于楚注不書葬篡也不書篡者以惡朱失衆見篡

二十二年劉子單子以王猛居于皇傳稱王猛注已葬當稱子當國也注不舉猛為重者時猛尚幼以二子為計勢故加以二子不舉重尊同權等

劉子單子以王猛入于王城傳言入篡辭也

冬十月王子猛卒傳此未踰年之君其言王子猛卒何注子卒不名外

未踰年不與當父死子繼兄死弟及之辭也

二十三年尹氏立王子朝注王子朝不貶者年未滿十歲未知欲富貴不當坐明罪在尹氏

二十六年天王入于成周尹氏召伯毛伯以王子朝奔楚注本在尹氏當先誅渠率後治其黨猶楚嬰齊

二十七年夏四月吳弑其君僚注不舉專諸起闔廬當國不書闔廬為季子諱

定十四年衛世子蒯聵出奔宋注主書者子雖見逐無去父之義

哀二年晉趙鞅帥師納衛世子蒯聵于戚傳不言入于衛父有子子不得有父也注父得有子而廢之子不得有父之所有故

奪其國文不貶蒯聵者嫌曼姑可為輒誅之輒出奔不書者不責拒父主書者與頓子同

三年齊國夏衛石曼姑帥師圍戚傳伯討也曼姑受命乎靈公而立輒以曼姑之義為固可以拒之也注義不可為子誅父故

但得拒之四年盜殺蔡侯申傳稱盜賤乎賤者也謂罪人也注不言其君與刑人義同

葬蔡昭公注賊已討故書葬也不書討賊者明諸侯得專討士以下也

六年齊陽生入于齊齊陳乞弑其君舍傳弑而立者不以當國之辭言之

注據公此以當國之辭言之為諉也注不舉陽生弑

子商人 劉禮部公羊何氏釋例 十 庚申補刊

者諉成於乞

右篡弑

隱元年鄭伯克段于鄆傳殺之也謂之克大鄭伯之惡也母欲立之己殺之如勿與而已矣段不稱弟當國也其地當國也注不當自己行誅殺使執政大夫誅之

莊二十二年陳人殺其公子禦寇注書者殺君之子重也案不言大

夫者未為大夫不言世子者未為命嗣蓋疑於命嗣而相殺也

二十六年曹殺其大夫傳不名衆也不死於曹君者也注曹無大夫書殺者起當誅也

僖五年晉侯殺其世子申生傳殺世子母弟直稱君者甚之也

九年晉侯詭諸卒注不書葬者殺世子案襄二十六年宋公殺其世子痤注痤有罪故

平公書葬

七年鄭殺其大夫申侯傳稱國以殺君殺大夫之辭也

三十年衛殺其大夫元咺及公子瑕衛侯鄭歸于衛傳衛侯未

至其稱國以殺道殺也注坐與至國同

三十一年鄭伯接卒注不書葬者殺大夫申侯也君殺大夫皆

就葬別有罪無罪惟內不可去葬故就殺特別之

文六年晉殺其大夫陽處父晉狐射姑出奔狄傳射姑殺也其

稱國君漏言也

宣十五年王札子殺召伯毛伯注惡天子不以禮尊之而任以

權至令殺尊卿大夫相殺不稱人者正之諸侯大夫顧弑君重

故降稱人王者至尊不得顧

皇清經解 卷五十三 劉禮部公羊何氏釋例

庚申補刊

成十五年宋華元出奔晉宋華元自晉歸于宋宋殺其大夫山  
宋魚石出奔楚注復出宋華元者以憂國爲山所譖出奔晉人  
理其罪宋人反之而誅山故繁文大之歸者出入無惡山不氏  
嫌直自見殺故貶之明以譖華元魚石與山有親恐見及也後  
言復人者出無惡知非君漏言魚石不殺山  
十八年楚子鄭伯伐宋宋魚石復入于彭城注不書叛者本受  
於楚非得於宋繫宋言復入者不與楚專封故從犯君錄之  
襄元年仲孫蔑會晉欒黶宋華元衛甯殖曹人莒人邾婁人滕  
人薛人圍宋彭城傳爲宋誅也魚石走之楚爲之伐宋取彭城  
以封魚石魚石之罪奈何以入是爲罪也楚已取之矣繫之宋  
不與諸侯專封也

二十三年陳殺其大夫慶虎及慶寅陳侯之弟光自楚歸于陳  
注宋大夫山譖華元貶此不貶者殺二慶而光歸譖光可知

晉欒盈復入于晉入于曲沃傳入晉不納由乎曲沃而入也注  
曲沃大夫當坐

晉人殺欒盈傳不言殺其大夫非其大夫也注大其除亂

二十七年衛殺其大夫甯喜衛侯之弟鱣出奔晉傳喜欲納公  
公使鱣約之注獻公無信鱣兄爲彊臣所逐既不能救又移心  
事剽背爲姦約獻公雖復因喜得反誅之小負未爲大惡而深  
以自絕所謂守小信而忘大義徇小介而失大忠

三十年天王殺其弟年夫注王者得專殺書者惡失親親也未  
三年不去王者方惡不思慕而殺弟不與子行也昔殺意恢以

失子行錄設但殺弟不書也不為諱者年夫有罪

昭十四年莒殺其公子意恢注莒無大夫書殺公子者未踰年

而殺其君之子不孝尤甚

右殺大夫

世子母弟附  
大夫相殺附

昭四年楚子蔡侯陳侯許男頓子胡子沈子淮夷伐吳執齊慶

封殺之傳為齊誅也慶封走之吳吳封之于防不言伐防不與

諸侯專封也慶封之罪何脅齊君而亂齊國也

右伯討

桓六年蔡人殺陳佗傳陳君也謂之陳佗絕也

註國當絕

曷為絕之

淫乎蔡蔡人殺之注從討賊辭去爵者起其見卑賤猶律文立

子姦母見乃得殺之也

十二年陳侯躍卒注不書葬者佗子也佗不稱侯者嫌貶在名

例不當絕故復去躍葬也

案莊二十三年祭叔來聘注不稱使者公一陳佗故絕使若我無君因不

與天子下聘小人

僖十九年邾婁人執郕子用之傳蓋叩其鼻以血社也注惡無

道也不言社者本無用人之道言用之已重矣故絕其所用處

也

宣十八年邾婁人戕郕子于郕傳殘賊而殺之也注支解節斷

之故變殺言戕惡無道也言于郕者刺無守備

昭十一年楚子虔誘蔡侯般殺之于申傳虔何以名絕之為其

誘討也懷惡而討不義君子不與也注內懷利國之心而外託

討賊故不與其討賊而責其誘詐也

皇清經解

卷五頁三

劉禮部公羊何氏釋例

左

庚申補刊

楚師滅蔡執蔡世子有以歸用之傳此未踰年之君稱世子何不君靈公不成其子也誅君之子不立非怒也無繼也注父誅子當絕

十二年葬蔡靈公注經不與楚討嫌本可責復讐故書葬明當從誅君論之不得責臣子

十六年楚子誘戎曼子殺之傳楚子何以不名夷狄相誘君子不疾也若不疾乃疾之也注顧以無知薄責之

右諸侯相殺

僖二十四年天王出居于鄭傳王者無外其言出不能乎母也注罪莫大於不孝故言出絕之也下無廢上之義得絕之者明母得廢之臣下得從母命

隱元年祭伯來傳奔也注去奔明王者以天下爲家無絕義此

謂天子之臣與侯國臣異無自絕之義若其出奔則與寓公同義不繼世絕也凡書奔皆絕例仿此

成十有二年周公出奔晉傳其言出自其私土而出也注此起諸侯入爲三公也明當并絕其國

僖二十八年衛侯出奔楚注晉文逐之不書逐之者以王事逐之擇立其次無絕衛之心惡不如出奔重

衛侯鄭自楚復歸于衛注言復歸者天子有命歸之名者刺天子歸有罪也言自楚爲天子諱

衛元咺出奔晉○晉人執衛侯歸之于京師○衛元咺自晉復歸于衛傳自者有力焉者也爲叔武爭也注臣無訴君之義故

著言自明不當有力於惡人也言復歸者深爲霸者恥之使若

皇清經解 卷一百一十五 劉禮部公羊何氏釋例 右 庚申補刊

無罪案當是移惡於衛侯鄭

三十年衛殺其大夫元咺及公子瑕傳衛侯未至稱國以殺道殺也注坐與至國同

衛侯鄭歸于衛傳其言歸歸惡乎元咺也注元咺有出入罪衛侯得殺之所以專臣事君之義

宣十八年公孫歸父如晉歸父還自晉至檀遂奔齊傳還善辭也聞君薨家遣墀帷哭君成踊反命乎介自是走之齊注言遂者不待報罪也遂弑君本當絕小善錄者本宣公同篡之人又

不當逐不日者伯討可逐故從有罪例昭元年秦伯之弟鍼出奔晉傳仕諸晉也有千乘之國而不能容其母弟故君子謂之出奔也注與逐之無異

十有五年蔡昭吳奔鄭注不言出者始封名言歸嫌與天子歸有罪同故奪其國辭明專封

二十年曹公孫會自鄆出奔宋傳畔也入諱例冬十月宋華亥向甯華定出奔陳見日例

二十一年宋華亥向甯華定自陳入于宋南里以叛傳宋南里者若曰因諸者然注因諸者齊刑人之地以齊喻也叛臣從刑人於國家尤危故重舉國

二十二年宋華亥向甯華定自宋南里出奔楚注前出奔已絕賤復錄者以故大夫專勢入南里犯君而出當誅也

定十年宋樂世心出奔曹宋公子池出奔陳 宋公之弟辰暨

宋仲佗石彊出奔陳

皇清經解卷之三十三 劉禮部公羊何氏釋例 五 庚申補刊

十一年宋公之弟辰及仲佗石彊公子池自陳入于蕭以叛  
宋樂世心自曹入于蕭注不言叛者從叛臣可知

十三年秋晉趙鞅入于晉陽以叛冬晉荀寅及士吉射入于朝  
歌以叛晉趙鞅歸于晉傳叛言歸以地正國也以叛言之無君  
命也注君子誅意不誅事辨見箋

右王侯大夫奔叛

閔二年鄭棄其師傅鄭伯惡高克使之將逐而不納棄師之道  
也注不書逐高克舉棄師為重

文七年晉人及秦人戰于令狐晉先昧奔秦傳不言師敗績敵  
也不言出遂在外也注本所以懷持二心者其咎亦由晉侯要  
以無功當誅也

宣元年晉放其大夫胥甲父于衛傳君放之非也大夫待放正  
也

哀三年蔡人放其大夫公孫獵于吳注稱人者惡大夫驕蹇作  
威相放當誅故貶

右逐大夫

宣十一年楚子入陳納公孫甯儀行父于陳傳此大夫也言納  
納公黨與也注据納謂已絕也

右納大夫

僖三十年公子遂如京師遂如晉傳大夫無遂事其言遂公不  
得為政爾注當絕

宣八年公子遂如齊至黃乃復注言乃不言有疾有疾猶不得

反也敖不言乃者明無所難為重敖當誅遂當絕案敖入諱例

仲遂卒于垂注貶加字者起嬰齊所氏明為歸父後大宗不得

絕也見貶例

襄十二年季孫宿帥師救台遂入運傳其言遂公不得為政爾

右大夫專命

隱二年無駭帥師入極傳此滅也言入內大惡諱也

十年宋人蔡人衛人伐載鄭伯伐取之傳其言伐取之易也因

宋人蔡人衛人之力也

莊十年宋人遷宿傳以地還之也注宋當坐滅人宿不能死社

稷當絕也

齊師滅譚譚子奔莒傳不言出國已滅無所出也注惡不死位

僖二年虞師晉師滅夏陽傳虞微國也序乎大國之上上虞首

惡也虞受賂假滅國者道以取亡焉

三年徐人取舒傳其言取易也注猶無守禦之備

五年晉人執虞公傳虞已滅矣其言執不與滅也滅者亡國之

善辭也上下之同力者也注不但去滅復去以歸言執者明虞

公滅人以自亡當絕不得責不死位也晉稱人者本滅而執之

不以王法執治之虞稱公者奪正爵起從滅也

二十五年衛侯燬滅邢傳名絕之滅同姓也注絕先祖支體尤

重

二十六年楚人滅隗以隗子歸注不言獲者舉滅為重書以歸

者惡不死位不名者所傳聞世見治始起責小國略但絕不誅

之

宣十五年晉師滅赤狄潞氏以潞子嬰兒歸注錄以歸者因可

責而責之責而加進之者謂稱子明不當絕當復其氏

襄六年莒人滅鄆注莒稱人者莒公子鄆外孫稱人者從莒無

大夫也言滅者以異姓為後莒人當坐滅也

齊侯滅萊傳不言萊君出奔國滅君死之正也注明國當存不

書殺萊君者舉滅國為重案相殺者誅滅人者絕

定四年蔡公孫歸姓帥師滅沈以沈子嘉歸殺之注不舉滅為

重書以歸殺之者責不死位也

十四年楚公子結陳公子佗人帥師滅頓以頓子牂歸注不別

以歸何國者明楚陳以滅人為重頓子以不死位為重

哀七年公伐邾婁八月己酉入邾婁以邾婁子益來傳名絕之

獲也

八年宋公入曹以曹伯陽歸傳名絕之滅也

莊十年荆敗蔡師于莘以蔡侯獻舞歸傳名絕之獲也不言獲

不與夷狄之獲中國也

僖十五年晉侯及秦伯戰于韓獲晉侯傳偏戰不言師敗績君

獲不言師敗績也注見獲及獲人君者皆當絕也

成二年季孫行父滅孫許叔孫僑如公孫嬰齊帥師會晉郤克

衛孫良夫曹公子手及齊侯戰于鞏齊師敗績秋七月齊侯使

國佐如師傳君不使乎大夫此其行使乎大夫注晉郤克為主佚獲也

注已獲而逃亡也當絕賤

宣二年宋華元帥師及鄭公子歸生帥師戰于大棘宋師敗績  
獲宋華元注復出宋者非獨惡華元明恥辱及宋國

襄八年鄭人侵蔡獲蔡公子燮傳侵而言獲者適得之也注將  
兵禦難不明候伺雖不戰鬪當坐獲

昭二十三年戊辰吳敗頓胡沈蔡陳許之師于雞父胡子髡沈  
子楹滅獲陳夏齧傳偏戰也以詐戰之辭言之不與夷狄之主  
中國也不使中國主之中國亦新夷狄也君死于位曰滅生得  
曰獲大夫生死皆曰獲不與夷狄之主中國言獲何吳少進也  
注能結曰偏戰行少進

### 右滅獲

僖四年蔡潰傳下叛上也國曰潰邑曰叛

十四年蔡侯肸卒注不書葬潰當絕也肸立不書者父獻舞見  
獲留卒于楚肸次立非篡也

十九年梁亡傳自亡也注明百姓得去之君當絕者

### 右潰亡

桓七年穀伯綏來朝鄧侯吾離來朝傳名失地之君也注見不  
世也獨妻得配夫託衣食于公家子孫當受田而耕故云爾

莊二十四年赤歸于曹郭公傳曹無赤者蓋郭公也失地之君  
也

僖二十年郟子來朝傳失地之君也不名兄弟辭也注不忍言  
其絕賤明當尊遇之異于鄧穀

### 右失地君

昭十三年蔡侯廬歸于蔡陳侯吳歸于陳傳此滅國也言歸不與諸侯專封也注名者專受其封當誅所以能起楚封也陳無君無所責蔡本以篡見殺但不成其子不絕其國即諸侯存之當有文實也

右復封

隱七年戎伐凡伯于楚邱以歸

宣元年晉趙穿帥師侵柳傳天子之邑也不繫乎周不與伐天子也注絕正其義使若兩國自相伐

成元年王師敗績于貿戎傳晉敗之或曰貿戎敗之不言敗之王者無敵莫敢當也

昭二十三年晉人圍郊注與侵柳同義

右伐上

襄十六年晉人執莒子邾婁子以歸注錄以歸者甚惡晉有罪無罪皆當歸京師不得自治之

右叛上

桓十五年邾婁人牟人葛人來朝傳皆稱人夷狄之也注桓公行惡而朝事之三人為眾足責故夷狄之

僖十五年楚人敗徐于婁林注謂之徐者為滅杞不知尊先聖法度惡重故狄之也不月者略兩夷狄

文七年徐伐莒注謂之徐者前共滅王者後今自先犯文對事連可以起同惡莒在下不得狄故復狄徐也一罪再狄者明為莒狄之爾

成三年鄭伐許注謂之鄭者惡鄭襄公與楚同心數侵伐諸夏自此之後中國盟會無已兵革數起夷狄比周為黨故夷狄之襄五年公會晉侯宋公陳侯衛侯鄭伯曹伯莒子邾婁子滕子薛伯齊世子光吳人鄆人于戚注方以吳抑鄆國故進稱人經書莒人滅鄆文與巫詆巫當存惡鄆文不見見惡必以吳者夷狄尚知父死子繼故以甚鄆也不使鄆稱國者鄆不如夷狄故不得與夷狄同文

昭十二年晉伐鮮虞注謂之晉者中國以無義故為夷狄所強今楚行詐滅陳蔡諸夏懼然去而與晉會于屈銀不因以大綏諸侯先之以博愛而先伐同姓從親親起欲以立威行霸故狄之

二十三年戊辰吳敗頓胡沈蔡陳許之師于雞父傳偏戰也以詐戰之辭言之不與夷狄之主中國也不使中國主之中國亦新夷狄也注中國所以異乎夷狄者以其能尊尊也王室亂莫肯救亦新有夷狄之行故不使主之不稱國國出師者賤略之

右狄中國

哀四年晉人執戎曼子赤歸于楚傳赤者何戎曼子之名也子北宮子曰辟伯晉而京師楚也注使若晉非伯執而赤微者自歸于楚主書者惡晉背叛當誅之

十三年公會晉侯及吳子于黃池傳吳稱子主會也先言晉侯不與夷狄之主中國也言及會兩伯之辭也

伯吳亦主會為伯重吳也注舉晉者諱而不盈吳在是天下諸侯莫敢不

皇清經解 卷之三十三  
至也注以晉大國尚猶汲汲于吳則知諸侯莫敢不至也不書諸侯者微辭使若天下盡會之而魯侯蒙俗會之者惡愈主書者惡諸侯君事夷狄

右吳楚王

釋曰貶絕者所以詰奸慝除亂賊也自主綱不振小雅盡廢疆大兼并君臣放弑諸侯奔走不得保其社稷者不可勝數極于中國微滅吳楚狎主而三代之彝倫法制斲壞簡棄無復存者蓋夏商之末失以強而周之末失以弱強則去之也驟而湯武之反正也亦易弱則陵夷衰微而天下之思治也亦難厲幽之亡不生孔子天將以春秋之制統三王而正萬世也周之衰也始則禮樂征伐自諸侯出而專封專討天子

不能問也繼則自大夫出而擅作威福君若贅旒下至陪臣效尤而阜隸輿臺啟假威坐床之疊外至四夷乘便而文身左衽張僭號爭長之心其在周易坤之初曰履霜堅冰至言微陽入而陰始凝馴至其道則无成而代有終也夫子遂爲之極其義曰臣弑其君子弑其父非一朝一夕之故其所由來者漸矣由辨之不早辨也于豐之言妃主當國夷主持世則又微其詞曰日中則昃月盈則蝕天地盈虛與時消息盛哉扶陽抑陰之心輔相天地之道歷萬世而不可變也然猶以爲託之空言不如見諸行事之深切著明于是受命制作取百二十國之寶書斷二百四十二年之行事上誅平王而下及于庶人內誅魯公而外及于吳楚雖冒萬世之罪而不

敢避曰備矣夫醫者之治疾也不攻其病之已然而攻其受病之處小雅盡廢亂賊所以橫行也春秋欲攘蠻荆先正諸夏欲正諸夏先正京師欲正士庶先正大夫欲正大夫先正諸侯欲正諸侯先正天子京師天子之不可正則託王於魯以正之諸侯大夫之不可正則託義于其賢者以悉正之曰諸侯不死位者絕其身雖魯隱之賢猶不得免于貶況蔡獻舞晉夷吾齊無野之屬乎曰諸侯出奔者絕其國雖魯定之親猶不得免于盜况衛剽蔡東國之屬乎曰諸侯義不得專封雖齊桓之存三亡猶棄疾之封陳蔡也曰諸侯義不得專討雖楚莊之殺徵舒猶靈王之戮招瑗也曰諸侯不得專地以湯沐易朝宿猶晉之侵柳圍郊也曰卿不得憂諸侯雖趙

武貶也曰大夫不得專廢置雖郤缺貶也曰大夫不得專執雖韓不信貶也曰大夫不敵君以戰則貶得臣而荀林父之亢顯矣曰君不會大夫則貶趙盾而楚嬰齊齊世子光之驕蹇顯矣曰大夫不得專平則貶子反而湟梁之偏刺顯矣曰卿大夫不得世而弒光立朝之萌見矣曰君親無將則陳招之殺世子偃師楚棄疾之殺公子比猶弒君也曰大夫無遂事則仲遂之弒赤先見于如晉隱如之逐君先見于宿之入運也曰孝子之義宜衛疾則許止之進藥猶商臣蔡般也曰大臣之義宜討賊則趙盾之復國猶甯喜崔杼也曰人臣知賊而不言當誅則叔孫得臣猶齊慶封也曰與于弒君者皆誅則文姜可絕而齊誅哀姜不得讐也

蔡靈書葬與哀姜書葬同義曰不

能乎親者皆絕則天王可廢而衛討蒯瞶乃為義也曰犯命盜國者誅而絕其後則衛朔之篡明去葬罪加于鄭與衍也

夷吾篡不曰誅君之子不立則楚旅之不得繼商臣猶蔡有明去葬

之不得繼般也曰殺世子母弟罪加于專殺大夫則鄭莊宋

平之刑當其罪猶宜絕而詭諸之不葬則誅也曰滅同姓者

罪加于滅人則魯衛之國宜奪而同與燬之身必誅也曰潰

亡者不復興則蔡肸之去葬宜絕而梁與沈之失民同罪也

曰背殯用師者貶則鄭費晉讎之奪爵而周殺年夫莒殺意

恢之失親同罪也曰弑未踰年君與成君同則里克商人之

罪著而仲遂誅也曰弑弑君而立者與成君同則邴歆閭職

且不得託于討賊而棄疾篡也曰弑無道之君不得以國人

為辭則晉趙盾楚比之罪定而夷獍楚虔猶庶其州蒲密州

薛比也曰立其所宜立不得以反正為辭則甯喜陳乞之罪

定而衍與陽生猶突與小白也曰誅其所當誅不得以討賊

為解則里克甯喜仍繫大夫而翬遂之稱公子罪有主也曰

討其所當討不得以伯討為解則滅陳滅蔡先正其名而陳

招蔡般之禍及其國罪益著也曰立所不當立不得以擁戴

為名則單劉尹氏各挾幼主首正其罪而衛晉王猛子朝之

見挈于下誅必及也曰大夫相放殺者誅則王札子之罪正


而侯國稱人者悉誅也曰士殺大夫者比諸盜則刑人不繫

國而主其國者與有誅也曰滅人者責之雖齊桓之功不足

除惡況虞之受賂莒之取後者乎曰執人者黜之雖桓文之

討罪猶責以自省況宋莊楚成之懷詐者乎曰執諸侯宜歸天子治其罪畀宋人不得已也歸于楚則叛也曰執諸侯而釋于會者坐專執執以歸無王也築防血社尤惡也曰獲諸侯大夫者坐專獲殺陳佗義也戕鄧子亂也曰殺大夫者坐專殺討欒盈義也漏言于射姑亂也誅譖臣可也殺諫臣罪也曰大夫不以道去者絕逐高克罪鄭伯也奔秦罪先昧也曰公子不得臣異國衛蒯聩世子秦鍼母弟尤悖也曰無君命不得稱兵華元圍彭城正也曼姑圍戚以靈公命故得為伯討趙鞅清君側亂也然則有誅無絕者惟元功之臣見桓十三年注及聖人子孫僖二十三年注而國不除者鮮矣有絕無誅者惟子于母為所生雖輕于父而重于君而誅得避者鮮矣定四年注夫誅者小則譴罰


之甚者加之五刑又其甚者焚棄之辜磔之先王之典也注稱梟首斬要皆秦法僖二十六年宣八年疏亦不的絕者輕則放流之絕其身重者諸侯則變置之絕其子孫卿大夫則絕其小宗春秋之善善也長惡惡也短父子兄弟罪不相及所謂禮義之大宗也



皇清經解卷一千二百八十三終

皇清經解 卷之三十三 劉禮部公羊何氏釋例 二 庚申補刊

嘉應李恆春舊校 順德馮佐勛新校



皇清經解卷一千二百八十四

學海堂

春秋公羊經何氏釋例

武進劉禮部逢祿著

律意輕重例第十

隱元年傳會及暨皆與也及我欲之暨不得已也注會若平時聚會無他深淺意也舉及暨者明當隨意善惡而原之欲之者善重惡深不得已者善輕惡淺所以原心定罪

二年注書兵者正不得也不為大惡者保伍連帥本有用兵征伐之道

三年傳求賻非禮也蓋通于下注云爾者嫌天子財多不當求下財少可求故明皆不當求之

四年衛人立晉注不刺嗣子失位者時未當喪典主得權重也

皇清經解 卷一千二百八十四 劉禮部公羊何氏釋例 一 庚申補刊

疏刺即不書晉立

五年傳將尊師眾稱某帥師將尊師少稱將將卑師眾稱師將卑師少稱人君將不言帥師書其重者也注分別之者責元率因錄功惡有大小

邾婁人鄭人伐宋注邾婁小國序上者主會也

宋人伐鄭圍長葛傳邑言圍疆也注惡其疆而無義必欲為得邑故如其意言圍也

八年宋公衛侯遇于垂注宋公序上者時衛侯要宋公使不虞者為主明當戒慎之

疏莊三十二年宋公齊侯遇于梁邱齊在宋下是其一隅耳

我入邴傳言我者非獨我也齊亦欲之注自入邑不得言我有他人在其中乃得言我時齊與鄭魯比聘會者亦欲得之故以非獨我起齊惡齊惡起則魯蒙欲邑見于惡愈矣

十年注內小惡不諱者罪薄恥輕

宋人蔡人衛人伐載鄭伯伐取之注鄭伯無仁心因其困而取之易若取邑故言取欲起其易因上伐力故同其文言伐就上載言取之也不月者移惡上三國

十一年注已于儀父見褒法復出滕薛者儀父盟功淺滕薛朝功大宿與微者盟功尤小起行之當各有差也

桓元年傳田多邑少稱田邑多田少稱邑注分別之者古有分土無分民明當察民多少課功德

二年宋督注不氏起馮當國不書馮弒繆公廢子反國得正故為之諱不得為讓者死乃反之非所以全其讓意也

以成宋亂注古者諸侯五國爲屬屬有長二屬爲連連有帥三連爲卒卒有正七卒爲州州有伯州中有爲無道者長帥卒正伯當征之不征則與同惡當春秋時天下散亂保伍壞敗雖不誅不爲成亂今責其成亂者疾其受賂也加以者辟直成亂傳器從名地從主人宋始以不義取之故謂之郕鼎注凡取異國物爲後不可分明故正其本名土地有封疆里數不嫌不明故不繫本主宋以不義取不應得故正之謂之郕鼎如以義應得當言取宋大鼎

傳離不言會注二國會曰離二人議各是其所是非其所非不能決事定是非立善惡不足采取三國以上言會重其少從多也尙書曰二人議則從二人之言

三年公會齊侯于讎夫人姜氏至自齊傳暈不致得見乎公矣注本所以致夫人者公不親迎有危也暈當并致者暈親迎重在暈也得見公得禮失禮在公不復在暈故不復致

六年蔡人殺陳佗傳陳君也謂之陳佗絕之外淫也注與使得討故從討賊詞去爵起其賤猶律文立子姦母見乃得殺之也

案此謂異國又不知其是陳君立法若知者仍坐弒君夏徵舒崔杼是也

十一年宋人執鄭祭仲傳不名賢也以爲知權也注權所以別輕重喻祭仲知國重君輕君子以存國除逐君之罪雖不能防其難罪不足而功有餘故得爲賢也宋不稱公者魯鄭立篡首惡當誅非伯執也

案宋人詞與齊人執壽塗鄭瞻等同而坐之輕重各異隨事文見也

十三年公會紀侯鄭伯已巳及齊侯宋公衛侯燕人戰傳後日

恃外也注得紀侯鄭伯然後乃能結戰日以勝君子不掩人之功不蔽人之善

三月葬衛宣公注背殯用兵而月不危之者衛弱于齊宋不從亦有危故量力不責也

十四年宋人以齊人衛人蔡人陳人伐鄭注宋前納突求賂突背恩伐宋故伐之四國本不起兵當分別之故加以也宋恃四國乃伐鄭四國當與宋同罪非爲四國見輕重

十五年傳復歸者出惡歸無惡復入者出無惡人有惡入者出入惡歸者出入無惡注皆于還入乃別之者入國犯命禍重也未成君出奔不應絕出惡者不如死之榮也入無惡者出不應絕則還人不應盜國

注三人爲衆衆足責

十八年傳賊未討書葬讐在外也注齊強魯弱不可立得報故君子量力且假使書葬于可復而不復乃責之

莊元年夫人孫于齊傳內謹奔謂之孫與弒公也不與念母也注念母則忘父背本之道也故絕文姜不爲不孝距蒯聩不爲不順脅靈社不爲不敬益重本尊親使尊行於卑上行於下又欲以孫爲內見義明但當推逐去之亦不可加誅誅不加上之義非實孫

築王姬之館于外傳築之禮也于外非禮也注爲營衛不固不以將嫁于讐國除讖者魯本自得以讐爲解無爲受命而外之注內女歸例月卒例日外女歸不月卒不日者聖人探人情以

制恩實不如魯女

二年注婦人無外事外則近淫不致者本無出道有出道乃致奔喪致是也

三年葬宋莊公注馮纂不見書葬者纂以計除

注紀季稱字賢之者以存先祖之功則除出奔之罪明其知權公次于郎注惡公既救人辟難道還諸侯本有相救之道所以抑強消亂也

四年注賢襄公為諱者以復讐之義除滅人之惡言大去者為襄公明義但當遷徙去之不當取而有明亂義也

傳于讐者將壹譏而已故擇其重者而譏焉莫重乎其與讐言狩也

六年王人子突救衛注為王者諱使若遣微者為愈因為內殺惡

注朔得國後遣人賂齊齊侯推功歸魯使衛人持寶來雖本非義賂齊當以讓除惡故善起其事極惡魯犯命復貪利也不為大惡者納朔本不以賂行事畢而見謝爾

八年師還注明君之使重在君因解非師自汲汲

九年注實為不能納子糾伐齊諸大夫以為不如以復讐伐之非誠心至意故不與也

齊人取子糾殺之注明魯為齊殺之皆當坐弑君

十年注明當以重者罪之猶律一人有數罪以重者論之注遷取王封當與滅人同罪

十三年齊人滅遂注不諱為桓公者功未足以除惡

十四年注分別功惡有深淺也從義兵而後者功薄從不義兵而後者惡淺

十六年傳同盟者同欲也注同心為善善必成為惡惡必成故重而言同心

十七年齊人執鄭瞻傳微者也言執書甚佞也注為甚佞故書惡之所以輕坐執人也然不得為伯討者事未得行罪未成也

當遠之而已  
齊人濺于遂注有分土無分民齊戍之非也遂不當坐也

鄭瞻自齊逃來注加逃者抑之也上執稱人嫌惡未明  
十九年傳大夫無遂事出竟有可以安社稷利國家者則專之

可也  
二十二年注不譏喪娶舉淫為重案外注可誅喪娶貶黜而已故常不入大惡諱例

二十五年注篡明當書葬身絕國不絕朔犯命重故去葬與盜國同

二十六年注凡書君殺大夫大夫有非以專殺書他皆以罪舉

二十七年注伯姬不卒者蓋不與卒于無服  
二十八年注使若造邑而後無麥禾者惡愈

二十九年注凶年修舊不諱者功費差輕于造邑  
三十二年傳君親無將將而誅焉誅不得辟兄君臣之義也不直誅而酖之親親之道也注明當以親親原而與之于治亂當

賞疑從重于平世當罰疑從輕

閔元年傳將而不免遏惡也既而不可及因獄有所歸不探其情而誅焉親親之道也注論季子當從議親之辟猶律親親得相首匿當與叔孫得臣有差又注季子知樂不能獨弑而不變正其真偽

傳春秋為尊者諱為親者諱為賢者諱

二年傳既而不可及緩追逸賊親親之道也注不書葬賊未討夫人姜氏孫于邾婁注為殺二嗣子出奔不如文姜于出奔時貶之者為內臣子明其義不得以子絕母

僖元年注臣繼君猶子繼父服皆斬衰

夫人氏之喪至自齊注貶置氏者殺子差輕于殺夫別逆順也

案此謂常例哀姜與弑輕于實弑然伯討宜誅不得讐齊桓是也

二年傳虞微國也序乎大國之上使虞首惡也虞受賂假滅國者道以取亡焉

五年傳殺世子母弟直稱君者甚之也

案春秋法殺子亦論死詳白虎通德論

八年傳譏以妾為妻也注夫人當坐篡嫡妾之事嫡猶臣之事君同

九年注襄公背殯出會有不子之惡後有征齊憂中國尊周室之心功足以除惡故諱

注許嫁卒者當為諸侯夫人有即貴之漸猶俠卒也日者恩尤重于未命大夫故從諸侯夫人例不以殯禮降也

注弑未踰年君之號定而坐之輕重見矣

十年傳里克弑二君不以討賊之辭言之惠公之大夫也

禮記經解卷之三十一 劉禮部公羊何氏釋例 七 庚申補刊

十四年諸侯城緣陵注杞見恐喝而亡桓公不能救故爲之諱  
言諸侯者時桓公德衰待諸侯然後乃能城之

注禮男不親求女不親許魯不防正其女乃使要遮鄆子淫泆  
使來請己與禽獸無異

十七年注繼絕存亡足以除殺子糾滅譚遂項覆終身之惡服  
楚功在覆篡惡之表所以封桓公名當如其事也

十九年宋人執滕子嬰齊注名者葵邱之會叛命者也不得爲  
伯討者不以其罪執之妄執之所以著有罪者爲襄公殺恥也  
注梁君隆刑峻法一家犯罪四家坐之一國之中無不被刑者  
明百姓得去之君當絕者

二十年鄆子來朝傳失地之君也不名兄弟辭也注故不忍言  
其絕賤明當尊遇之異于鄧穀也

二十一年注凡出奔歸書執獲歸不書者出奔已失國故錄還應  
盜國與執獲者異臣下尙隨君事之未失國不應盜國無爲錄也  
注善信公能與楚議釋賢者之厄不言公釋之者諸侯亦有力  
也

二十三年注襄公守正爲楚所敗諸夏宜助之反因其困而伐  
之痛與重故創無異故言圍以惡其不仁

二十四年注下無廢上之義母得廢之臣下得從母命  
二十五年注絕先祖之體尤重

注出奔當絕還入爲盜國當誅納之與之同罪  
二十六年注治始起責小國略但絕不誅之

二十七年注古者諸侯有難王者若方伯和平之後相犯復故罪又注君子和平人當終身保也

二十八年注有罪無罪皆不得專殺

界宋人注時天王居于鄭晉文欲討楚師以宋王者之後法度所存故因假使沛之

衛侯出奔楚注晉文逐之不書者以王事逐之擇立其次無絕衛之心惡不如出奔重

陳侯欸卒注不書葬爲晉文諱陳有大喪而強會其孤宋襄亦背殯獨不言爲齊桓諱者時宋襄自會之

注一失禮尙愈再失禮重

注臣無詆君之義言自晉明不當有力于惡人也

三十年注道殺大夫與至國同故不復別

三十一年注同姓相貪利惡差重恥差深

又注魯本爲霸者所還當時不取久後有悔更緣前語取之不應以得故當坐取邑

三十三年傳君在乎殯而用師危不得葬也注與衛迫齊宋異故惡不予也

文元年注王者不稱子弟諸侯得稱子弟者一國失賢輕

二年傳三年之內不圖婚娶者大吉也非常吉也其爲吉者主於己注吉禘譏始不二年大事從吉禘不復譏娶主于己身不如祭祀尙有念先人之心

三年注救人之道當指其所之實欲救江而反伐楚故惡其無

信

七年晉先昧奔秦注懷持二心有功欲還無功便持師出奔故  
貶其咎亦由晉侯要以無功當誅

十五年傳父母之子雖有罪猶若其不欲服罪然注文公母  
在明孝子當伸母恩也

十六年注死刑有輕重無尊上非聖人不孝者斬首梟之無營  
上犯軍法者斬要殺人者刎頭案鄭注周禮焚磔加死刑一等皆謂既殺而後焚磔之合于經

義此注蓋秦法也

宣元年傳夫人與公一體也注恥辱與公共之去氏比于去姜  
差輕可言

注齊取篡者賂當坐取邑未之齊坐者由律行言許受賂也

三年郊牛之口傷傳言之何緩也注不若食角急

五年注為人臣知賊而不言明當誅

注但言叔姬來則魯負教戒重書高固則重在固

六年注君雖不君臣不可以不臣不書成公立者明惡夷獯猶  
不書剽立

八年至黃乃復注大夫聞喪尚不當反況于疾乎言乃不言有  
疾有疾猶不得反也敖不言乃明無所難為重敖當誅遂當絕

十年齊人歸我濟西田注不言來者言取之實不從齊來不當  
坐取邑

成二年注獨貶嬰齊于上者當先誅其本乃及其末

三年注內不言叛不以文德來之而便以兵當與圍外邑同罪

四年注未踰年君稱伯者時樂成君位親自伐許故如其意以著其惡

八年注諸侯不得相奪土地晉適可來議語之魯宜聞義自歸之爾不得使也

十二年注周公驕蹇不事天子召之而出奔明當并絕其國故以出國錄案祭伯近于以道去君但王臣無去之他國義耳罪比于周公輕

十五年注叔仲惠伯先見殺不如荀息死之

十六年注舉師敗績為重眾親傷人君當舉傷君為重

襄二年傳齊姜與繆姜則未知其為宣夫人歟成夫人歟注齊

姜宣夫人繆姜成夫人傳依違者襄公服繆姜喪未踰年親伐

鄭有惡故傳從內義不正言也

五年叔孫豹鄆世子巫如晉注巫者鄆前夫人襄公母姊妹之

子莒女嫁為鄆後夫人夫人無男有女還嫁之于莒有外孫鄆

子愛後夫人而欲立其外孫故如晉訴之雖揚父之惡救國之

滅者可也辨見箋

六年注以異姓為後莒人當坐滅也

注不書殺萊君者舉滅國為重

七年注古者保辜君親無將見辜者辜內當以弑君論之辜外

當以傷君論之

十年注諸侯本無利虎牢之心欲共以距楚爾故不當坐取邑

十五年注兵不敵不敢進不書止次以刺之者量力不責重民

也

十九年注抑齊加圍者明當從滅滅二等奪其爵土  
注諸侯土地本有度數不得隨水有之當坐取邑

二十五年注吳子欲伐楚過巢不假塗卒暴入巢門門者以為  
欲犯巢而射殺之君子不怨所不知所以疆守禦書伐者明持  
兵入門乃得殺之不坐殺復見辜者辜內當以弑君論之辜外  
當以傷君論之

二十六年注痤有罪故平公書葬

昭元年注內不言叛書取者當與取外邑同罪

八年注曰者疾詐諉滅人不舉滅為重復書二事疾諉託義託  
義不先書者本懷滅心

十一年傳懷惡而討不義君子不予也注內懷利國之心而外  
託討賊故不與其討賊而責其誘詐也

十三年注比宜效死不立而立故加弑言歸者謂其本無弑君  
而立之意

注不書成楚亂者時不受賂

十九年注原止本欲愈父之病無害父之意故赦之

二十年注君子不使衍善者有後患故以喜時之讓除會之叛

二十一年注叛臣從刑人于國家尤危故重舉國

二十二年注不舉王猛為重者猛幼以二子為計勢故加以二

子不舉重者尊同權等

二十三年注王子朝年未滿十歲未知欲富貴不當坐明罪在

尹氏

二十六年注立朝獨舉尹氏出奔并舉召伯毛伯者明本在尹氏當先誅渠率後治其黨猶楚嬰齊

三十一年注以身死公則可以其子易公非事夫之義然于王法當賞以活公爲重也又注惡少功大律一人有數罪以重者論之春秋滅不言入是也叔術妻媿雖有過惡當絕身無死刑當以殺殺顏者爲重宋繆公以反國與與夷除馮弒君之罪死乃反國不如生讓之大也馮弒與夷亦不輕于殺殺顏者比其罪不足而功有餘故得爲賢

辨見箋

定元年注諸侯當決于天子故錄所歸大夫當決主獄爾

四年注不舉滅爲重書以歸殺之者責不死位也

注楚拘蔡昭公數年而復怒蔡歸有言伐之故貶囊瓦稱人明罪重于圖

注不書子胥舉君爲重子胥不見于經得爲善者以吳義文成之也爲非懷惡而討不義君子不得不與也孝經曰資於事父以事君而敬同本取事父之敬以事君而父以無罪爲君所殺諸侯之君與王者異于義得去君臣已絕故可也孝經云資於事父以事母莊公不得報讐文姜者母所生雖輕于父重于君也易曰天地之大德曰生故得絕不得殺傳父不受誅子復讐可也父受誅子復讐推刃之道也復讐不除害朋友相衛而不相迥古之道也

八年注不書拘季孫者舉五玉爲重又注失之當坐得之當除十年注辰言暨明仲佗強與俱出也又注辰言及後汲汲當

坐重

十三年注無君命者操兵鄉國故初謂之叛後知其意欲逐君側之惡人故錄其釋兵書歸赦之君子誅意不誅事辨見箋

哀元年注邾婁子新來奔喪伐之不諱者期外恩報惡輕明當與根牟有差

三年傳曼姑受命乎靈公而立輒以曼姑之義為固可以拒之也輒之義可以立乎曰可不以父命辭王父命以王父命辭父命是父之行乎子也不以家事辭王事以王事辭家事是上之行乎下也注曼姑上為靈公命下為輒故義不可以子誅父故但得拒之而已輒之義不可以拒父故但問可立與否王法行于諸侯雖得正非義之高者也

注毀廟復立不書者哀自立之善惡獨在哀又注親過高祖親疏適等

八年傳諱同姓之滅力能救之而不救也注以屬上力能獲邾婁而不救曹故責之

十三年公會晉侯及吳子于黃池注不書諸侯者為微辭使若天下盡會之而魯侯蒙俗會之者惡愈

釋曰或稱春秋為聖人之刑書又云五經之有春秋猶法律之有斷合而溫城董君獨以為禮義之大宗何哉蓋禮者刑之精華也失乎禮即入乎刑無中立之道故刑者禮之科條也春秋之道始於元終於麟絕於夏之冬而猶繫於周之春威厲而不試刑措而不用此亦太平之極軌也若乃意深於

撥亂故制刑常用重典無變三代之實而有異文武之文然其原心誅意禁於未然其立法嚴其行法恕匪用為教覆用為虐則秋荼也曲學阿世緣經文奸豈非罪哉抑又聞之董生春秋顯經隱權先德而後刑其道蓋原於天故日常盈月常闕主刑辰星主刑太白主兵法不得參午而見劉向傳注太白此過午即為參天亦以陽為經以陰為權著於七政者也夫刑反德而順於德亦權之類矣置於空虛而取以為佐使陽恆伸而陰恆絀則萬物並育而不害道並行而不悖所以與天地參也矯枉者弗過其正則不能直故權必反乎經然後可與適道詩云唐棣之華偏其反而豈不爾思室是遠而子曰未之思也夫何遠之有知可與立者未可與權也故執其權則脅嚴社不為不敬靈出天王不為不尊上辭父命不為不承親絕母屬不為不孝慈易主如祭仲逸賊如季子專制進退如公子結士匄子反華元之屬不為不忠誅牙宥光滅親議親不為不義假吳復楚不為虧主討邾事齊不為薄親僖元年不為君母讐齊又居喪用兵于恩無薄失其權則趙盾楚比不免於弑趙鞅正國不免於叛討叔段年夫不免於逆親誅里克甯喜不免於專殺夏南崔杼引蔡人之義則亂州蒲庶其恃討賊之法則傳傳曰輕為重重為輕其是之謂乎故持春秋以決秦漢之獄不若明春秋以復三代之禮本末輕重必有能權衡者以君子之為亦有樂乎此也

皇清經解卷一千二百八十四終

皇清經解卷一千二百八十四終

劉禮部公羊何氏釋例

嘉應李恆春舊校  
順德馮佐勛新校  
五 庚申補刊

皇清經解卷一千二百八十五

學海堂

春秋公羊經何氏釋例

武進劉禮部逢祿著

王魯例第十一

隱元年春王正月注惟王者然後改元立號春秋託新王受命  
 於魯故因以錄卽位明王者當繼天奉元養成萬物又注文王  
 周始受命之王天之所命故上繫天端方陳受命制正月故假  
 以爲王法不言謚者法其生不法其死與後王共之又注王者  
 受命必徙居處改正朔易服色殊徽號變犧牲異器械明受之  
 於天不受之於人又注夫王者始受命改制布政施教于天下  
 自公侯至于庶人自山川至于草木昆蟲莫不一一繫于正月  
 又注王者受命不追治前事

三月公及邾婁儀父盟于昧傳稱字褒之也因其可褒而褒之  
漸進也注春秋王魯記隱公以為始受命王因儀父先與隱公  
盟可假以見褒賞之法譬若隱公受命而王諸侯有倡始先歸  
之者當進而封之以率其後亦為所褒者法明當積漸深知聖  
德灼然之後乃往不可造次陷于不義又注魯稱公者臣子心  
所欲尊號其君父公者五等之爵最尊王者探臣子心欲尊其  
君父使得稱公故春秋以臣子書葬者皆稱公  
秋七月天王使宰咺來歸惠公仲子之賵傳兼之非禮也注春  
秋王魯以魯為天下化首明親來被王化漸漬禮義者在可備  
責之域故從內小惡舉也

桓公同義

夫人氏之喪至自齊傳不稱姜氏貶與弒公也不於其弒焉貶  
貶必於重者莫重乎其以喪至也

四年齊人執陳袁濤塗傳不脩其師而執濤塗古人之討則不

然也案二十八年注無罪而執人當貶稱人

八年禘于太廟用致夫人傳不稱姜氏貶譏以妾為妻也

十有九年宋人執滕子嬰齊注名者叛天子命者也不得為伯

討者妄執之著有罪者為嬰公殺恥

二十有一年楚人使宜申來獻捷傳楚子也注据稱使貶為執宋公

貶注詐劫諸侯求其國當絕故貶

二十有七年楚人陳侯蔡侯鄭伯許男圍宋傳為執宋公貶故

禮部公羊何氏釋例 二庚申補刊

終僖之篇貶也

二十八年晉侯齊師宋師秦師及楚人戰于城濮楚師敗績楚殺其大夫得臣傳其稱人貶大夫不敵君也注臣無敵君戰之義又注不氏者子玉得臣楚之驕蹇臣數道其君侵中國故貶明當與君俱治也

晉人執衛侯歸之于京師傳歸之于者罪已定矣歸于者罪未定也衛侯之罪殺叔武也此晉侯也其稱人貶文公逐衛侯而立叔武使人兄弟相疑放乎殺母弟者文公爲之也注逐之文不見故貶

三十三年晉人及姜戎敗秦于殽傳襄公親之稱人貶君在乎殯而用師危不得葬也

公以爲始受命王滕薛先朝隱公故褒之

桓二年取郟大鼎于宋傳器從名地從主人注諸侯土地各有封疆里數今日取之然後王者起與滅國繼絕世反取邑不嫌不明故不復追繫本主

九年紀季姜歸于京師傳天子之居必以眾大之辭言之注地方千里周城千雉宮室官府制度廣大四方各以其職來貢無不備具所以必自有地者治自近始卽春秋所謂內治其國也十年齊侯衛侯鄭伯來戰于郎傳不言師敗績內不言戰言戰乃敗矣注王者兵不與諸侯敵戰乃其已敗之文

十四年鄭伯使其弟語來盟注蒞盟來盟例皆時者從內爲王義明王者當以至信先天下

皇清經解卷三十三  
十八年己丑葬我君桓公注葬日者生者之事也且明王者當遣使者與諸侯共會之

莊十年荆敗蔡師于莘傳荆者州名也州不若國國不若氏氏不若人人不若名名不若字字不若子注春秋假行事以見王法因周本有尊爵稱國氏人名字之科故加州文備七等以進退之

二十三年荆人來聘注春秋王魯因其始來聘明夷狄能慕王化修聘禮受正朔者當進之故使稱人也

三十一年齊侯來獻戎捷注言獻捷繫戎者春秋王魯因見王義古者方伯征伐不道諸侯交格而戰者誅絕其國獻捷于王者

僖二年虞師晉師滅夏陽注晉至此乃見者著晉楚俱大國後治同姓也以滅人見義者比楚先治大惡親疎之別

三年公子友如齊莅盟注春秋王魯故言莅以見王義使若王者遣使臨諸侯盟節以法度言來盟亦因魯都以見王義使若來之京師白事于王不加莅者來就魯魯已尊矣

二十七年楚人陳侯蔡侯鄭伯許男圍宋傳楚子也稱人爲執宋公貶故終僖之篇貶也注古者諸侯有難王者若方伯和平之後相犯復故罪

文九年夫人姜氏如齊注奔父母之喪也不言奔喪者尊內猶不言朝聘也

宣十年齊侯元卒公如齊注不言奔喪者尊內猶不言朝聘

成二年傳曹無大夫公子手何以書憂內也注春秋託于王魯  
囚假以見王法明諸侯有能從王者征伐不義克勝有功當褒  
之故與大夫大夫敵君不貳者隨從王者大夫得敵諸侯也

十五年仲嬰齊卒傳孫以王父字為氏也注顧興滅繼絕故紀  
族明所出

昭三十一年公在乾侯季孫隱如會晉荀躒于適歷注公出奔  
在外無君命所以書會以殊外言來者從王魯錄

黑弓以濫來奔傳通濫也注欲見天下實未有濫國春秋新通  
之爾又注主書者在春秋前見王者起當追有功顯有德興滅  
國繼絕世

哀十四年春西狩獲麟注河陽冬言狩獲麟春言狩者蓋據魯  
變周之春以為冬去周之正而行夏之時案春言狩下須增不  
從狩郎以正月譏者

九字乃明又注人道浹王道備必止于麟者欲見撥亂功成于麟猶  
堯舜之隆鳳皇來儀故麟于周為異春秋記以為瑞明太平以  
瑞應為效也

釋曰王魯者即所謂以春秋當新王也夫子受命制作以為  
託諸空言不如行事博深切明故引史記而加乎王心焉孟  
子曰春秋天子之事也夫制新王之法以俟後聖何以必乎

魯曰因魯史之文避制作之僭祖之所逮聞惟魯為近故據  
以為京師張治本也聖人在位如日之麗乎天萬國幽隱莫  
不畢照庶物蠢蠢咸得繫命堯舜禹湯文武是也聖人不得

位如火之麗乎地非假薪蒸之屬不能舒其光究其用天不

生仲尼萬古如長夜春秋是也故曰歸明於西而以火繼之堯舜禹湯文武之沒而以春秋治之雖百世可知也且春秋之託王至廣稱號名義仍繫于周挫強扶弱常繫于二伯且魯無可覲也郊禘之事春秋可以垂法而魯之僭則大惡也就十二公論之桓宣之弑君宜誅昭之出奔宜絕定之盜國宜絕隱之獲歸宜絕莊之通讐外淫滅同姓宜絕閔之見弑襄之盜天牲哀之獲諸侯虛中國以事強吳雖非誅絕而免于春秋之貶黜者鮮矣吾故曰春秋者火也魯與天王諸侯皆薪蒸之屬可以宣火之明而無與于火之德也彼范甯杜預之徒曉曉不已猶矇瞶之不可語于日月之明繼照之火也

建始例第十二

隱元年春王正月傳元年者君之始年也春者歲之始也王者謂文王也先言王而後言正月王正月也大一統也公何以不言卽位成公意也注變一爲元元者氣也無形以起有形以分造起天地天地之始也故上無所繫而使春繫之也春者天地開闢之端養生之首法象所出四時本名也昏斗指東方曰春指南方曰夏指西方曰秋指北方曰冬文王周始受命之王天之所命故上繫天端方陳受命制正月故假以爲王法不言諡者法其生不法其死與後王共之人道之始也統者始也總繫之詞王者始受命改制布政施教于天下自公侯至于庶人自

山川至于草木昆蟲莫不一一繫于正月故云政教之始即位者一國之始政莫大于正始故春秋以元之氣正天之端以天之端正王之政以王之政正諸侯之即位以諸侯之即位正竟內之治諸侯不上奉王之政則不得即位故先言正月而後言即位政不由王出則不得為政故先言王而後言正月王者不承天以制號令則無法故先言春而後言至天不深正其元則不能成其化故先言元而後言春五者同日並見相須成體乃天人之大本萬物之所繫不可不察也又注王者受命不追治前事孔子曰不教而殺謂之虐不戒視成謂之暴二年無駭帥師入極傳展無駭也不氏疾始滅也春秋之始也注春秋託王者始起所當誅也

九月紀履緌來逆女傳譏始不親迎也春秋之始也注春秋正夫婦之始也夫婦正則父子親父子親則君臣和君臣和則天下治故夫婦者人道之始王教之端

四年莒人伐杞取牟婁傳疾始取邑也注不傳託始者前此有滅不嫌無取邑故省文

五年考仲子之宮初獻六羽傳譏始僭諸公也

八年無駭卒傳疾始滅也故終其身不氏

桓七年焚咸邱傳疾始以火攻也注傳不託始者前此未有無所託也

莊二十二年肆大省傳譏始忌省也

閔二年吉禘于莊公傳未可以稱宮廟在三年之中矣譏始不

三年也注與託始同義

宣十五年初稅畝傳譏始履畝而稅也

成元年作邱甲傳譏始邱使也

哀十二年用田賦傳譏始用田賦也

十四年春西狩獲麟注絕筆于春不書下三時者春者歲之始能常法其始則無不終竟

釋曰建始者受命改元之大要也古者改元必大赦所謂與天下更始不追治前事者以為亡主所縱未必非逋逃之藪其所治未必非枉撓之獄也王者時憲咸與維新而後刑新國用輕典刑亂國用重典必當其罪則刑清而民服武王之克殷也反及羸內以無射之上官布憲施舍於百姓漢之伯九有也入關而除秦苛法皆此意也後世不察或以子孫縱祖宗之囚或以灾祥出眾定之讞所謂知日之圓而不知其不可為規也凡經言初者一傳譏始者十是為舉隅

不書例第十三

隱十年傳春秋錄內而畧外于外大惡書小惡不書于內大惡諱小惡書

元年注外小惡書者來接內也

三年注錄渴隱者明諸侯卒王者為加恩意憂勞其國所以哀死閔患也

僖二十五年注外小惡正之者宋以內娶故公族以弱妃黨益強威權下流政分二門卒生篡弑親親出奔疾其未故正其本

昭六年注入所見世責小國詳始錄內行也諸侯內行小失不可勝書故于終略責之見其義

隱二年傳外逆女不書案襄十五年傳同見娶歸例

三年傳天子不記葬案文九年傳同見卒葬例

三年傳外大夫不卒案文三年定四年傳同見卒葬例

四年傳外取邑不書案六年莊元年三十年宣元年昭二

桓五年齊侯鄭伯如紀傳外相如不書書離不言會也

州公如曹傳過我也

襄五年叔孫豹鄆世子巫如晉傳為叔孫豹率而與之俱也

莊二年傳外夫人不卒見娶歸例

四年傳外夫人不書葬案三十年襄三十四年傳同見娶歸例

十一年傳外灾不書案二十年宣十六年襄九年傳同見灾異例

僖十六年傳外異不書案文三年成五年昭十年傳同見灾異例

宣十五年傳外平不書書大其平乎已也

桓四年傳常事不書案八年十四年傳同見譏例

莊七年傳一灾不書注水旱螟螣皆以傷穀乃書明君子不以一過責人

宣十五年傳蝻生不書

莊十九年傳媵不書案成八年九年十年傳同見娶歸例

二十二年傳納幣不書案文二年成八年傳同見娶歸例

二十九年傳修舊不書案定一年傳同見譏例

僖二十八年傳狩不書見諱

文十五年傳入郟不書見諱例

隱十一年傳君弑賊不討不書葬

桓十八年葬我君桓公傳讐在外君子辭也

宣十二年葬陳靈公傳君子辭也楚已討之矣臣子雖欲討之

而無所討也

襄八年葬鄭僖公傳為中國諱也見諱例

三十年葬蔡景公傳君子辭也同上

昭十九年葬許悼公傳不成于弑也免罪辭也

僖二年葬我小君哀姜注誅當絕不得以夫人禮書葬書葬者

正齊桓討賊辟責內讐齊

昭十二年葬蔡靈公注書葬者經不與楚討嫌本可責復讐故

書葬明當從誅君論之不得責臣子

莊二十七年傳大夫不書葬案定四年傳同見卒葬例

宣十八年傳吳楚之君不書葬辟其號也

僖十六年傳朔有事則書晦雖有事不書

哀五年傳閏不書書喪以閏數也

釋曰春秋說曰孔子作春秋萬八千字九月而書成以授游

夏之徒不能改一字蓋魯史記之文本錄內而畧外聖人取

百二十國寶書而損益之其大致則畧同故曰述而不作述

文王也非述魯也魯史記之例常事不能不悉書備載春秋

盡削之其存什一于千百以著微文刺譏為萬世法故曰非

記事之書也連山歸藏之占不存而周易為文字之祖時訓

月令之解不備而夏時則學者多傳正于聖人者文彌約而旨彌博也春秋或筆一而削百或筆十而削一削者以筆見筆者復以削見屈伸變化以著其義使人深思而自省悟應問以窮其奧故曰知其人而不待告告非其人雖言而不著董生亦云不能察寂若無深察之無物不在非博學審問慎思明辨而得之者皆末學膚受貴耳而賤目有胸而無心者也不憤不悱舉一隅不以三隅反聖人皆不告問而不得其應則發憤忘食思而足以發則樂以忘憂仲尼之學唯顏氏子能好之能樂之惟游夏能知之知之故不能贊一辭也嗚呼陸淳趙匡之流以不知而作開非聖之罪而顯經隱權之義且千有餘年莫有講明而切究之也惜哉

諱例第十四

隱二年無駭帥師入極傳此滅也言人內大惡諱也注明魯臣子當爲君父諱

五年公觀魚于棠傳譏遠也百金之魚公張之注實譏張魚而言觀譏遠者恥公去南面之位下與百姓爭利匹夫無異故諱使若以遠觀爲譏也諸諱主書者從實也

考仲子之宮初獻六羽傳譏始僭諸公也僭諸公猶可言也僭天子不可言也注前僭八佾于惠公廟大惡不可言也

六年鄭人來輸平傳猶墮成也狐壤之戰隱公獲焉不言戰諱獲也注戰者內敗文君獲不言帥敗績故以輸平諱也與鞏戰辟內敗文異不地者深諱使若實輸平稱人共國辭者嫌獨惡

鄭檀獲魯不能死難皆當絕之

八年鄭伯使宛來歸邠傳邠鄭湯沐之邑也注甚惡鄭伯無尊

事天子之心專以歸魯背叛當誅

庚寅我入邠傳言入難也其日難也其言我齊亦欲之注魯受

邠與鄭同罪當誅故為魯見重難辭齊與鄭魯比聘會者故以

非獨我起齊惡齊惡起則魯蒙欲邑見于惡愈矣

公及莒人盟于包來傳公曷為與微者盟

據與高侯盟諱之

稱人則從

不疑也注實莒子也言莒子則嫌公行微不肖諸侯不肯隨從

公盟而公反隨從之故使稱人則隨從公不疑矣隱為桓立狐

壤之戰不能死難又受湯沐邑皆諱不明故著其不肖因與上

相起

十年六月壬戌公敗宋師于菅辛未取郕辛巳取防傳一月而

再取也甚之也春秋錄內而畧外于外大惡書小惡不書于內

大惡諱小惡書注明取邑為小惡一月再取小惡中甚者耳故

書也明王者起當先自正內無大惡然後乃可治諸夏大惡因

見臣子之義當先為君父諱大惡也內有小惡適可治諸夏大

惡未可治諸夏小惡明當先自正然後正人小惡不諱者罪薄

恥輕

桓元年公會鄭伯于垂鄭伯以璧假許田傳易之也言假為恭

也有天子存諸侯不得專地也此魯朝宿之邑也謂之許田諱

取周田也注桓無尊事天子之心專以朝宿之邑與鄭背叛當

誅故深諱

皇清經解

卷三頁五

劉禮部公羊何氏釋例

三

庚申補刊

十年公會衛侯于桃邱弗遇傳公不見要也注時實公要之以非禮動見拒有恥故諱使若會而不相遇也言弗遇者起公要之弗者不之深也起公見拒深傳言公不見要者順經諱文

大惡猶不諱此非大惡而諱之者正以桓弑逆之人諸侯將誅之下來戰盟惡曹是也

莊五年公會齊人宋人蔡人陳人伐衛傳納朔也不言納辟王也注辟王者兵使若伐而去不留納朔者所以正其義因為內

諱

八年師次于郎以俟陳人蔡人傳次不言俟言俟託不得已也注陳蔡屬與魯伐衛同心又國遠故因假以諱滅同姓所以辟下言及也加以者辟實俟

甲午祠兵傳為久也注諱為久留辭使若無欲滅同姓之意因見出竟圍盛非內邑也

夏師及齊師圍成成降于齊師傳盛也謂之成諱滅同姓也不言降吾師辟之也注使若魯自圍之而去成自從後降于齊師也言及者起魯實欲滅之不月者順諱文不書盛伯出奔深諱之

秋師還傳還善辭也滅同姓何善爾病之也非師之罪也注明君之使重在君非師自汲汲

九年公及齊大夫盟于暨傳齊無君也不名諱與大夫盟也使若眾然

齊人取子糾殺之傳取之內辭也脅我使我殺之也注以下浚洙知脅以稱人其國辭知使魯殺之深諱使若齊自取殺之

浚洙傳畏齊也辭殺子糾也注諱使若辭不肯殺子糾也

十三年冬公會齊侯盟于柯注劫桓公取汶陽田不書者諱行詐劫人也

二十二年丙申及齊高後盟于防傳不言公諱與大夫盟也

公如齊納幣二十三年春公至自齊傳親納幣非禮也注時實以淫泆大惡不可言故因其有事於納幣以無廉恥為譏不譏喪娶舉淫為重所以起淫者皆以危致也

公如齊觀社公至自齊注諱淫與親納幣同義

二十四年公如齊逆女傳親迎禮也注諱淫故使若以得禮書也禮諸侯既娶二月然後夫人見宗廟見宗廟然後成婦禮

二十八年冬築微大無麥禾傳先言築微後言無麥禾諱以凶年造邑也注諱使若造邑而後無麥禾者惡愈也

臧孫辰告糴于齊傳不稱使以為臧孫辰之私行也注莊公享國二十八年而無一年之蓄危亡切近故諱使若國家不匱大夫自私行糴也

僖元年楚人伐鄭注楚稱人者為僖公諱與夷狄交婚故進使若中國又明嫁娶當慕賢者

十四年季姬及鄆子遇于防使鄆子來朝傳鄆子曷為使乎季姬來朝內辭也非使來朝使來請己也注禮男不親求女不親許魯不防正其女乃使要遮鄆子淫泆使來請己與禽獸無異故卑鄆子使乎季姬以絕賤之也

二十八年公子買戍衛不卒戍刺之傳內辭也不可使往也言

戍衛遂公意也內諱殺大夫謂之刺之也注使臣子不可使恥  
深故諱明臣不得壅塞君命又注有罪無罪皆不得專殺故諱  
殺言刺

三十一年春取濟西田傳取之曹也不言取之曹諱取同姓之  
田也晉侯執曹伯班其所取侵地於諸侯則何諱久也注同姓  
相貪利惡差重恥差深當時不取久後有悔更緣前語取之不  
應以得故當坐取邑

案即使當時取之亦坐如鞏戰取汶陽  
圍齊取邾田自鄆水是也此重在同姓

文二年三月乙巳及晉處父盟傳不氏諱與大夫盟也注使若  
得其君如經言邾婁儀父矣不地起公就于晉也日者起公盟  
也俱沒公齊高傒不使若君處父使若君者親就其國恥不得  
其君也如晉不書不致者深諱之

七年公伐邾婁二月甲戌取須句傳取邑日內辭也使若他人  
然注所以深諱者扈之盟不見序并爲取邑故

秋八月公會諸侯晉大夫盟于扈傳公失序也諸侯不可使與  
公盟朕晉大夫使與公盟也注文公內則欲久喪而後不能喪  
娶逆祀外則貪利取邑爲諸侯所薄賤不見序故深諱爲不可  
知之辭不日者順諱爲善文也

八年公孫敖如京師不至復丙戌奔莒傳不至復者內辭也不  
可使往也言如京師遂公意也不言出遂在外也注諱使若已  
行還爾卽已行當道所至乃言復如至黃矣諱使若從外來不  
敢復還者也日者嫌敖罪名則起君弱故諱使若無罪

十四年九月甲申公孫敖卒于齊注已絕卒之者爲後脅歸其

喪有恥故爲內諱使若尙爲大夫

單伯如齊齊人執單伯齊人執子叔姬傳道淫也不言齊人執單伯及子叔姬內辭也使若異罪然注深諱使若各以他事見執者不書叔姬歸于齊者深諱以起道淫齊稱人者順諱文使若非伯討

十五年齊人歸公孫敖之喪傳不言來內辭脅我而歸之筭將而來也注爲叔姬淫惡魯類故取其尺置篋輿中傳送而來故諱起其來有恥

單伯至自齊注大夫不致致者喜患禍解也不省去氏者淫當

絕使若他單伯至也

案命大夫故不名若去留半言伯則不辭

十有一月諸侯盟于扈注不序不日者順上諱文使若扈之盟都不可知

十有二月齊人來歸子叔姬傳其言來閔之也父母之於子雖有罪猶若其不欲服罪然注孔子曰父爲子隱子爲父隱直在其中矣所以崇父子之親也言齊人不以棄歸爲文者合與敖同文相發明叔姬于文公爲姊妹言父母者時母在堂孝子當伸母恩也

齊侯侵我西鄙遂伐曹入其郛傳入郛不書書動我也內辭也我動焉爾注實爲子叔姬故動懼失操云爾鄉者不去幾亦入我郛故舉以起魯恥且明兵之所鄉苟得其罪則莫敢不懼

十有六年季孫行父會齊侯于陽穀齊侯弗及盟傳不見與盟也注爲叔姬故中見簡賤故諱亦所以起齊侯不肯

夏五月公四不視朔傳有疾也自是公無疾不視朔也有疾猶  
可言也無疾不可言也注有疾無惡不當書不言有疾欲起自  
是無疾不視朔也

宣四年春王正月公及齊侯平莒及邾莒人不肯公伐莒取向  
傳言不肯辭取向也注行義爲利故諱莒言及明非不肯書齊  
侯者公不能獨平也

九年取根牟傳邾婁邑也不繫邾婁諱亟也注屬有小君喪邾  
婁子來加禮夫期而取其邑故諱上有小君喪而下諱取則加  
禮明矣末期年從加禮數者猶王子虎從會葬數

成二年齊侯使國佐如師注不書獲齊侯者內大惡諱案佚獲

獲且如獲亦晉郤克坐  
之從外言戰是也注非

三年叔孫僑如帥師圍棘傳汶陽之不服邑也言圍不聽也注  
不言叛爲內諱不先以文德來之而反以兵圍之當與圍外邑  
同罪得曰取不得曰圍

六年取鄆傳邾婁邑也不繫諱亟也注諱背信亟也屬相與爲  
蟲牢之盟旋取其邑故使若非蟲牢人矣

八年晉侯使韓穿來言汶陽之田歸之于齊傳內辭也脅我使  
我歸之也注不言使因兩爲其義諸侯不得相奪土地晉適可  
來議語之魯宜聞義自歸之耳

癸卯杞叔姬卒注棄而日卒者爲脅杞歸喪張本使若尙爲杞  
夫人

九年杞伯來逆叔姬之喪以歸傳內辭也脅而歸之也注言以

是書經釋卷五十五 劉禮部公羊何氏釋例 七 庚申補刊

歸者與忿怒執人同辭而不得專其本意知其脅也已棄而脅歸其喪悼義恥深惡重故使若杞伯自來逆之

十年夏四月五卜郊不從乃不郊傳不免牲故言乃不郊也注當坐盜天牲失事天之道故諱若重難不得郊

十六年公會晉侯齊侯衛侯宋華元邾婁人于沙隨不見公公至自會傳公不見見大夫執何以致會不恥也公幼也注因公幼殺恥爲諱辭

襄十三年取詩傳邾婁之邑也不繫諱亟也注背蕭魚之會亟昭元年三月取運傳內之邑也言取不聽也注與圍棘同義二年公如晉至河乃復傳不敢進也注乃難辭時聞晉欲執之不敢往故諱使若河水有難而反

四年取郟傳滅也言取內大惡諱也注因郟上有滅文故使若取內邑

十三年公會劉子晉侯齊侯宋公衛侯鄭伯曹伯莒子邾婁子滕子薛伯杞伯小邾婁子于平邱八月甲戌同盟于平邱公不與盟晉人執季孫隱如以歸公至自會傳公不見與盟大夫執何以致會不恥也諸侯遂亂反陳蔡君子不恥不與焉注時晉主會疑公如楚不肯與公盟故諱使若公自不肯與盟諸侯遂亂雖見與公猶不宜與也故因爲公張義

二十三年公如晉至河公有疾乃復傳殺恥也注因有疾以殺畏晉之恥舉公者重疾也

二十五年秋七月上辛大雩季辛又雩傳非雩也聚眾以逐季

皇清經解 卷三十五 劉禮部公羊何氏釋例 庚申補刊

氏也注不書逐季氏者諱不能逐反起下孫及為所敗

三十一年公在乾侯季孫隱如會晉荀櫟于適歷注公在外無君命所以書會以殊外言來者從王魯錄諱亟取邑卒大夫者盈孫文

三十二年取闕傳邾婁邑也不繫諱亟也注與取濫為亟

定二年雉門及兩觀灾注立不書者僭天子不可言在春秋中猶不書

八年盜竊寶玉大弓注主書者定公失政權移陪臣拘其尊卿喪其寶玉無以合信天子交質諸侯當絕之不書拘季孫者舉五玉為重書大弓者使若都以國寶書微辭也

哀六年城邾婁葭注不言取者邾婁未嘗加非于魯而侮奪之不知足有夷狄之行故諱之明惡甚

七年秋公伐邾婁八月己酉入邾婁以邾婁子益來傳入不言伐言伐內辭也使若他人然名絕之獲也不言獲內大惡諱也八年宋公入曹以曹伯陽歸傳名絕之滅也不言滅諱同姓之滅也力能救之而不救也注以屬上力能獲邾婁而不救曹故責之

齊人取讎及俾傳外取邑不書書所以賂齊也為以邾婁子益來也注邾婁齊與國畏齊而賂之恥甚故諱使若齊自取

歸邾婁子益于邾婁齊人歸讎及俾注善魯能悔過歸邾婁子所喪之邑不求自得故不言來使若不從齊來與歸我濟西田

同文 案于所善者而著之則其惡愈著且諱畏齊而後歸邾婁子

禮記卷之三十一 劉禮部公羊何氏釋例

左 庚申補刊

十二年孟子卒傳昭公之夫人也稱孟子諱娶同姓蓋吳女也注昭公諱而謂之吳孟子春秋不繫吳者婦人繫姓不繫國雖不諱猶不繫也不稱夫人不言薨不書葬深諱之

十三年公會晉侯及吳子于黃池注不書諸侯者微辭使若天下盡會之而魯侯蒙俗會之者惡愈

右內大惡諱篡弑人公終始例

隱元年祭伯來傳不言奔王者無外

七年天王使凡伯來聘戎伐凡伯于楚邱以歸傳執之也言伐大之也其地大之也注尊天王命責當死位所在諸侯宜赴其

難

八年鄭伯使宛來歸郕庚寅我入郕

桓元年鄭伯以璧假許田傳為恭也有天子存諸侯不得專地也

五年蔡人衛人陳人從王伐鄭傳從王正也注稱人刺王者也天下之君當秉綱撮要而親自用兵故見其微弱僅能從微者

猶莒稱人則從不疑也不使王者首兵本不為王舉也知實諸侯者以美得正

莊五年公會齊人宋人蔡人陳人伐衛傳不言納朔辟王也六年王人子突救衛傳王人微也子突貴也繫諸人也注刺王者卒不能救故為王者諱使若遣微者為愈因為內殺惡

衛侯朔入于衛注不言公子留出奔者天子本當絕衛不當復立公子留因為天子諱微弱

僖二十八年公朝于王所傳不言天子在是不與致天子也

天王狩于河陽傳狩不書書不與再致天子也注再失禮重故

深正其義使若天子自狩

衛侯鄭自楚復歸于衛注言復歸者天子歸之名者刺歸有罪

言自楚諱也天子所以陵遲者為善不賞為惡不誅

宣元年晉趙穿帥師侵柳傳天子之邑也不繫乎周不與伐天

子也

成元年王師敗績于貿戎傳不言敗之王者無敵莫敢當也

昭二十三年晉人圍郊注與侵柳同義

右為尊者諱

莊十三年齊人滅遂注不諱者桓公行霸不尚文德而尚武力

又功未足以除惡

三十年齊人降鄆傳紀之遺邑也不言取為桓公諱也外取邑

書盡也注時霸功足以除惡故為諱言降者能以德見歸自來

服者可也

齊人伐山戎六月齊侯來獻戎捷傳此蓋戰也不言戰春秋敵

者言戰桓公之與戎狄驅之爾

閔二年齊人遷陽注不為諱者功未足以覆滅人之惡也

僖元年齊師宋師曹師次于聶北救邢傳救言次不及事也邢

已亡矣蓋狄滅之不言狄滅之為桓公諱也上無天子下無方

伯天下諸侯有相滅亡者桓公不能救則桓公恥之注故以為

諱所以醇其能以治世自任而厚責之

二年城楚邱傳城衛也不言城衛滅也不言狄滅之為桓公諱也注不繫衛者明去衛而國楚邱起其遷也不書遷與救次者深為桓公諱使若始時尚倉卒有所救其後晏然無干戈之患所以重其任而厚責之

三年徐人取舒傳言取易也注不為桓諱者刺其不救也案此猶狄

滅衛諱滅言人正為桓公諱傳順諱文注非也晉滅夏陽楚滅黃狄滅温不諱者國大且遠量力不責

九年宋公禦說卒傳不書葬為襄公諱也注襄公背殯出會宰

周公有不子之惡後有征齊憂中國尊周室之心功足以除惡

故諱不書葬使若非背殯案此兼為齊桓諱與陳侯款不書葬為晉文諱同義

十年晉殺其大夫里克傳里克弑二君不以討賊之辭言也意

公之大夫也不言惠公之人晉之不言出入者踊為文公諱也

齊小白入于齊則曷為不為桓公諱桓公之享國也長美見乎

天下故不為之諱本惡也文公之享國也短美未見乎天下故

為之諱本惡也注獻公殺申生文公與惠公恐見及出奔不子

當絕還入為篡文公功足以并掩前人之惡故惠公入懷公出

文公入渾皆不書乘為文公諱故也惠公文公出奔不書者非

命嗣也

十七年滅項傳齊滅之不言齊滅之為桓公諱也君子之惡惡

也疾始善善也樂終桓公嘗有繼絕存亡之功故君子為之諱

也

十九年宋人執滕子嬰齊注名者著有罪為襄公殺恥也

六月宋人曹人邾婁人盟于曹南鄆子會盟于邾婁己酉邾婁

人執鄆子用之注君不會大夫刺後會者起實君也地以邾婁者起為邾婁事也不言君者為襄公諱也魯本許嫁季姬于邾婁季姬淫泆使鄆子請己而許之二國交忿襄公為此盟欲和解之既在會間反為邾婁所欺執用鄆子恥辱加宋宋無異故沒襄公使若微者也不于上地以邾婁者深為襄公諱上盟不日者深順諱文從微者例使君下執不以上盟為辨也

二十一年宋公楚子陳侯蔡侯鄭伯許男曹伯會于霍執宋公以伐宋注不為襄公諱者守信見執無恥

楚人使宜申來獻捷傳不言捷乎宋為襄公諱也注襄公求會楚欲行霸憂中國也不用曰夷之言而見詐執伐宋幾亾其國故諱為沒國文所以申善志

二十三年庚寅宋公慈父卒傳不書葬盈乎諱也注襄公本以背殯不書其父葬至襄公身書葬則嫌霸業不成所覆者薄故復使身不書葬明當以前諱除背殯以後諱加微封內娶不去日略之者功覆之也

二十八年陳侯款卒注不書葬者為晉文諱行霸不務教人以孝而強會其孤故深為恥之宋襄亦背殯不為齊桓諱者時宋襄自會之

文十三年陳侯朔卒注不書葬盈為晉文諱也晉文雖霸會人孤以尊天子自補有餘故復盈為諱

右為二伯諱

隱七年天王使凡伯來聘戎伐凡伯于楚邱以歸傳執之也言

伐不與夷狄之執中國也注中國者禮義之國也執者治文也君子不使無禮義制治有禮義故絕不言執正之言伐也執中國尚不可况執天子之大夫乎所以降夷狄尊天子為順辭莊十年荆敗蔡師于羣以蔡侯獻舞歸傳獲也不言獲不與夷狄之獲中國也

成六年壬申鄭伯費卒注不書葬為中國諱蟲牢之盟約備疆楚伐鄭喪不救晉又侵之故去葬使若非伐喪

九年公會晉侯齊侯衛侯鄭伯曹伯莒子杞伯同盟于蒲見日月例襄二年六月庚辰鄭伯論卒晉師宋師衛甯殖侵鄭注不書葬者諱伐喪

遂城虎牢傳不言取不繫乎鄭為中國諱伐喪也

七年公會晉侯宋公陳侯衛侯曹伯莒子邾婁子于鄆鄭伯髡原如會未見諸侯丙戌卒于操傳諸侯卒其封內不地地隱之弒也不言弒為中國諱也鄭伯將會諸侯于鄆其大夫諫曰中國不足歸也則不若與楚鄭伯曰不可其大夫曰以中國為義則伐我喪以中國為疆則不若楚于是弒之注禍由中國無義故深諱使若自卒

八年葬鄭僖公傳賊未討書葬為中國諱也十有二年三月莒人伐我東鄙圍台傳伐而言圍取邑之辭也注不直言取邑者深恥中國之無信也

三十年夏四月蔡世子般弒其君固見日月例冬十月葬蔡景公傳賊未討書葬君子辭也注君子為中國諱

使若加弑月者弑父比髡原恥尤重故足諱辭

哀十三年公會晉侯及吳子于黃池傳吳稱子主會也先言晉侯不與夷狄之主中國也注時吳強而無道敗齊臨菑乘勝大會中國齊晉前驅魯衛驂乘滕薛夾轂而趨以諸夏之眾冠帶之國反背天子而事夷狄恥甚不可忍言故深為諱辭使若吳大以禮義會天下諸侯以尊事天子故進稱子實不行禮義故序晉于上齊桓兼舉遠明近此但舉大者非尊天子故不得褒也

案此亦破穀梁說

右為中國諱

桓二年宋督弑其君與夷注督不氏者起馮當國繆公廢子而反國得正故為之諱也

莊元年齊師遷紀邢鄆鄆傳不言取為襄公諱也外取邑書大之也注襄公將復讎于紀先孤弱取其邑本不為利舉故為諱不舉伐順諱文

四年紀侯大去其國傳滅也不言齊滅為襄公諱也復讎也注以復讎之義除滅人之惡言大去者為襄公明義但當遷徙去之不當取而有明亂義也

莊二十四年戎侵曹曹羈出奔陳傳曹無大夫何以書賢也三諫不從去之以為得君臣之義也

二十六年曹殺其大夫傳不死於曹君者也不言曹君之滅為曹羈諱也不言戰為曹羈諱也注諱者上出奔嫌辟難欲起其賢又所諫者戰也故為去戰滅之文以致其意

案有師命不可去為曹羈張義

是書經解卷之三頁左劉禮部公羊何氏釋例

庚申補刊

故取其確者曰侵言之

三十二年公子牙卒傳不稱弟殺也不言刺為季子諱也季子之過惡也不以為國獄緣季子之心而為之諱誅不得辟兄君臣之義也不直誅而酖之使託若以疾死然親親之道也

子般卒公子慶父如齊注奔也不言奔起季子不探其情不暴其罪

僖二十一年執宋公以伐宋傳此圍也不言圍為公子曰夷諱也注曰夷遭難設權救君有解圍存國免主之功故為諱起其事

二十八年衛侯出奔楚公會晉侯齊侯宋公蔡侯鄭伯衛子莒子盟于踐土衛侯鄭自楚復歸于衛晉人執衛侯歸之于京師

傳衛侯之罪殺叔武也不書為叔武諱也何賢乎叔武讓國也文公逐衛侯而立叔武叔武辭立而他人立則恐衛侯之不得反也故于是已立然後為踐土之會治反衛侯衛侯得反曰叔武篡我元咥爭之曰叔武無罪終殺叔武注明叔武治反衛侯欲兄享國故為去殺己之罪所以起其功而重衛侯之無道

昭二十年曹公孫會自鄭出奔宋傳奔未有言自者言自畔也不言畔為公子喜時之後諱也何賢乎喜時讓國也賢喜時曷為為會諱君子之善善也長惡惡也短惡惡及其身善善及子孫賢者子孫故君子之為諱也注以喜時之讓除會之叛

二十七年四月吳弑其君僚注不書闔廬弑其君者為季子諱明季子不忍父子兄弟自相弑讓國闔廬欲其享之故為沒其


皇清經解卷之三十三 劉禮部公羊何氏釋例 庚申補刊

罪也

右爲賢者諱互詳褒例

釋曰凡諱皆有惡卽刺也諱深則刺益深或以彊王義或屈于尊親或功足以掩其罪或賢者與仁同過君子因之醇加吾王心焉溫城董君贊春秋曰唐棣之華偏其反而豈不爾思室是遠而此非止言權聖人之爲文皆如是也今有人而干盜竊亂賊之行未必甘受其名也君子正其名曰盜曰賊則亦無所逃矣復爲之微其詞曰彼固未嘗爲盜爲賊也而其心之愧恥奮發益倍而他人之信其爲盜爲賊也益堅所謂詞不迫切意已獨至也又有賢者不幸而卽于戾其心方跼踖愧赧而無所適從君子著其迹曰是與亂臣賊子之事

同則善意亦阻矣復爲之變其文曰子之意非亂賊也子之事則亂賊所樂假託者也爲之損益其事馴致其行矯制萬端而不失其正則其垂示至深也故習聞春秋者曰君子之諱尊隆恩避害容身也如此君子之彊其國彊諸夏也如此君子之善善獨長也如此而一旦事出兩可之間差若豪釐謬以千里則杳冥而莫知其原嗚呼微言絕矣大義能無乖乎



皇清經解卷一千二百八十五終

嘉應葉 順德馮佐勛

皇清經解卷一千二百八十六

學海堂

春秋公羊經何氏釋例

武進劉禮部逢祿著

朝聘會盟例第十五

隱十有一年滕侯薛侯來朝傳諸侯來曰朝大夫來曰聘注不言朝公者禮朝受之於太廟與聘同義

桓五年州公如曹六年正月寔來傳慢之化我也注行過無禮謂之化齊人語也諸侯相過至竟必假塗入都必朝所以崇禮讓絕慢易戒不虞也

七年穀伯綏來朝鄧侯吾離來朝傳失地之君也稱侯朝貴者無後待之以初也

九年曹伯使其世子射姑來朝傳世子言朝譏父老子代從政

莊二十三年蕭叔朝公傳公在外也注惡不受於廟  
僖二十八年公朝于王所傳不言如京師天子在是也不言天  
子在是不與致天子也

右朝

隱七年齊侯使其弟年來聘注來聘書者皆喜內見聘事也古  
者諸侯朝罷朝聘爲慕賢考禮一法度尊天子不言聘公者禮  
聘受之於太廟孝子謙不敢以己當之歸美於先君且重賓也  
天王使凡伯來聘注書者喜之也古者諸侯有較德殊風異行  
天子聘問之當北面稱臣受之於太廟所以尊王命歸美於先  
君不敢以己當之

莊二十三年祭叔來聘注不稱使者公一陳佗故絕使若我無

君因不與天子下聘小人

二十五年公子友如陳注內朝聘言如者尊內也書者錄內所  
交接也朝京師大國善有加錄文如楚有危文聘無月者比於  
朝輕

文元年叔孫得臣如京師注知不爲喪聘書者聘爲貢職天子  
當得異方之物以事宗廟又欲以知君父無恙不以喪廢故不  
譏也如他國就不三年一譏而已

右聘

隱二年公會戎于潛注凡書會者惡其虛內務恃外好也古者  
諸侯非朝時不得踰竟

桓二年蔡侯鄭伯會于鄧傳離不言會蓋鄧與會爾注二國會

曰離二人議各是其所是非其所非所道不同不能決事定是非立善惡不足采取故謂之離會自三國以上言會者重其少從多也能決事定是非立善惡尚書曰三人議則從二人之言蓋取諸此

五年齊侯鄭伯如紀傳外相如不書書離不言會也注嫌外離會常書故變文見意以別嫌明疑

僖二十八年陳侯如會傳後會也

宣元年會晉師于斐林傳不言趙盾之師君不會大夫之辭也昭十二年傳春秋之信史也其序則齊桓晉文其會則主會者為之也注唯齊桓晉文能以德優劣國大小相次序非齊桓晉文則如主會者為之雖優劣大小不更改信史也

定十四年邾婁子來會公注書者非邾婁子會人於都也如入人都當修朝禮古者諸侯將朝天子必先會閒隙之地考德行一刑法講禮義正文章習事天子之儀尊京師重法度恐過誤言公者不受於廟

哀十三年公會晉侯及吳子于黃池傳吳主會也先言晉侯不與夷狄之主中國也

右會

隱四年公及宋公遇于清傳遇者不期也一君出一君要之也注古者有遇禮為朝天子若朝罷朝卒相遇於塗近者為主遠者為賓稱先君以相接所以崇禮讓絕慢易也當春秋時出入無度禍亂奸宄多在不虞無故卒然相要小人將以生心故重

而書之所以防禍原也言及起公要之

桓十年公會衛侯于桃邱弗遇傳會期辭也言弗遇公不見要也

右遇

隱元年公及邾婁儀父盟于昧傳會及暨皆與也會猶最也及猶汲汲也暨猶暨暨也及我欲之暨不得已也注凡書盟者惡之也為其約誓大甚朋黨深背之生患禍重胥命善近正是也及宋人盟于宿傳內之微者也注內者謂魯也微者謂士也不名者略微也

桓三年齊侯衛侯胥命于蒲傳相命近正也古者不盟結言而退注書以撥亂也

十四年鄭伯使其弟語來盟注來盟者聘而盟也不言聘舉重也

莊九年公及齊大夫盟于莒

十六年同盟于幽傳同盟者何同欲也注同心為善善必成同心為惡惡必成

閔二年齊高子來盟傳不稱使我無君也注正其義明君臣無相適之道春秋謹於別尊卑理嫌疑故絕去使文以起事張例則所謂君不使乎大夫也

僖三年公子友如齊莅盟傳莅盟者往盟乎彼也來盟者來盟於我也

五年諸侯盟于首戴傳諸侯不序一事而再見者先目而後凡

也注會盟一事不舉重者時世子不與盟

案葵邱宰周公不與盟同例

鄭伯逃歸不盟傳不可使盟也言逃歸不以寡犯眾也

八年鄭伯乞盟傳處其所而請與也蓋酌之也注時鄭伯欲與楚不肯自來盟處其國遣使挹取其血而請與之約束無汲汲慕中國之心故抑之使若叩頭乞盟者也不錄使者方抑鄭伯

使若自來也不盟不為大惡者古者不盟也

十九年鄆子會盟于邾婁傳後會也

成三年晉侯使荀庚來聘衛侯使孫良夫來聘丙午及荀庚盟丁未及孫良夫盟傳聘而言盟者尋舊盟也注以不舉重連聘言之知尋繹舊故約誓也書者惡之二國既修禮相聘不能相親信故舉聘以非之

右盟

昭七年暨齊平注書者善錄內也不出主名者君相與平國中皆安故以舉國體言之

右平

釋曰傳曰古者諸侯必有會聚之事相朝聘之道號辭必稱先君以相接又曰諸侯時朝乎天子天子之郊皆有朝宿之邑焉何君注云順四時而朝也緣臣子之心莫不欲朝朝莫夕王者與諸侯別治勢不得自專朝故即位比年使大夫小聘三年使上卿大聘四年又使大夫小聘五年一朝王者亦貴得天下之歡心以事其先王因助祭以述其職故分四方諸侯為五部部有四輩輩主一時孝經曰四海之內各以其

職來助祭尚書曰羣后四朝敷奏以言明試以功車服以庸是也其諸侯相朝亦以五年近得正宣公九年如齊加錄書月是也而王世子宰周公出會則譏之諸侯相遇則危之屢盟長亂則刺之然則周官言春朝秋覲夏宗冬遇又有時會殷同徧存徧頰徧省諸禮諸侯世然後相朝殷然後相聘司盟掌盟約之載豈平世之法與撥亂異耶然傳言古者不盟唯有會聚朝聘之道穀梁子亦云盟詎不及三王則周官殆戰國陰謀瀆亂不驗之書也康成不通春秋而信之篤過矣注曰非朝不踰竟然則同盟摟伐使臣非禮奔命于路亦春秋之所刺也故其始則大小相陵徵朝徵聘繼則強臣擅命要結外援勢使然也春秋防其漸故謹其始魯桓與鄭會垂盟越而叛王之事亟矣公子遂遂如晉季孫宿逐人運公子遂叔孫得臣如齊而篡弒之禍亟矣會稷而宋亂遂成盟平邱而楚亂遂成矣故壞法亂紀之事必託于常禮而後成夫禮以已亂也非以階厲也故君子辨之

崩薨卒葬例第十六

公薨葬見公終始例內外夫人內女薨卒葬見娶歸終始例諸侯

卒葬見表

隱三年天王崩傳天子記崩不記葬必其時也諸侯記卒記葬有天子存不得必其時也天子曰崩諸侯曰薨大夫曰卒士曰不祿注書崩者為天下恩痛王者也記諸侯卒葬者王者亦當加之以恩禮

莊三年葬桓王傳改葬也注諸侯當有恩禮

皇清經解 卷三十三  
文九年葬襄王傳王者不書葬不及時書過時書我有往者則書注惡公不自往

隱三年八月庚辰宋公和卒注不言薨者春秋王魯不可言崩故貶外言卒所以褒內也

癸未葬宋繆公傳葬或日或不日不及時而日渴葬也不日慢葬也過時而日隱之也不日謂之不能葬也當時而不日正也日危不得葬也

八年葬蔡宣公傳卒名而葬不名卒從正而葬從主人卒日而葬不日卒赴而葬不告注卒當赴告天子君前臣名故從君臣之正義言也葬有常月不告故從臣子詞稱公

十四諸侯終始表第十七十八

余覽春秋所治冠帶之倫東窮齊並海南極吳楚西通秦隴北絕燕晉卓哉煌煌聲名之居何其侈也深探其本皆詳內以畧外究王化之盛一統中外未嘗不殊會夷狄頓胡沈越之邦未嘗通吉凶聘問之禮其於諸夏挺大小侯各七以張治法而已形勢雖強要以仁義爲本允哉允哉嘗聞賈生之論建侯矣欲天下之久安長治莫若衆建而少其力力少則易使以義國小則無邪心斯古今之通論也余讀春秋疆侵弱衆陵寡離爲十二合爲六七晉歸三卿齊移田氏秦政乃利觜長距終得擅場皿蟲爲蠱其勢然也故諸侯侈則大夫偏中國微則戎狄橫春秋本殷周方三千里以爲諸夏撻殷武以奮伐錫厥福於封建不僭不濫赫聲濯靈廓如也故嘗論之中國齊晉最彊也晉弒

君五夷齊卓子懷公靈公厲公篡國四惠公文公齊弑君六諸兒子糾舍篡

國五小白商人元處白陽生魯篡齊晉則弑君五隱公桓公子赤篡國三桓

宣公宋衛陳蔡鄭四也皆弑君二宋與夷處曰衛完剽陳平國

若其篡逐出入遽數不能終也夷狄吳楚最彊也皆弑君二楚

庚吳餘祭僚秦於春秋乃在小國治耳見哀三年注曹許邾婁滕杞無兼

并之事無弑立之文非其性異人也亦形勢然也春秋之義諸

侯不得專殺臣不討賊篡不明殺無罪三者皆去葬殺無罪罪

君也不討賊罪臣也篡則君臣皆罪之而絕其國故吾以為繼

體守文之才僅得中佐明春秋之法以制馭其政三代之治未

嘗不可復其亂未嘗不可弭則經制定而統紀一雖有淫驕之

主而無魚爛之禍封建之於治如宮室之有楹舟之有維楫柁

枝之有葉也其可一日去哉

秦楚吳進黜表第十九

余覽春秋進黜吳楚之末未嘗不歎聖人馭外之意至深且密

也昔聖人序東周之書唯存文侯之命及秦誓著其盛衰大旨

其於刪詩則列秦於風序兼葭曰未能用周禮序終南曰能取

周地然則代周而改周法者斷自秦始何其辭之博深切明也

秦始小國僻遠諸夏擯之比於戎狄然其地為周之舊有文武

貞信之教無敖僻驕侈之志亦無淫泆昏惰之風故於詩為夏

聲其在春秋無僭王滑夏之行亦無君臣篡弑之禍故春秋以

小國治之內之也吳通上國最後而其強也最驟故亡也忽焉

秦強於內治敗殺之後不勤遠畧故興也勃焉楚之長駕遠馭

強於秦而其內治亦強於吳故秦滅六國而終覆秦者楚也聖  
人以中外狎主承天之運而反之於禮義所以財成輔相天地  
之道而不過乎物故於楚莊秦穆之賢而子之卒以為中國無  
桓文則久歸之矣何待定哀之末而後京師楚哉於吳光之敗  
陳許幾以中國聽之慨然深思其故曰中國亦新夷狄也黃池  
之會春秋說曰齊晉前驅魯衛驂乘滕薛夾轂而趨則豈吳公  
先歎晉侯亞之之以禮義動哉故觀於詩書知代周者秦而周  
法之壞雖聖人不可復也觀於春秋知天之以吳楚狎主中國  
而進黜之義雖百世不可易也張三國以治百世聖人憂患之  
心亦有樂乎此也

晉

齊

宋

陳

蔡


衛

鄭

僖九年九月甲戌桓十有四年十有隱三年八月庚辰桓六年秋蔡人殺隱公八年六月己隱四年二月戊申桓十有一年五月  
晉侯詭諸卒注 二月丁巳齊侯 宋公和卒冬十 陳佗傳順君也 亥蔡侯考父卒 衛州吁弑其君 癸未鄭伯寤生  
不書葬者殺世 年四月己巳葬 宋穆公當時而 賊辭不月不書 案慢葬 完九月衛人殺 卒七月葬鄭莊  
冬晉里克弑其君 齊僖公注當時 日能不得葬 葬從賤文 桓十有七年六月 二月衛人立晉 書葬  
之子奚齊 而日者背殯伐桓 二年正月戊申十有二年八月壬 丁丑蔡季自陳 五年四月葬衛莊二十有一年五  
十年正月晉里克 鄭 宋督弑其君與 長陳侯躍卒注 歸于蔡癸巳葬 桓公案過時不 月辛酉鄭伯突  
弑其君卓子 莊八年十有一月 夷索賊不討不 不書葬佗子也 蔡桓侯注立嗣 日不能葬 卒十有二月葬  
二十有四年冬晉 癸未齊無知弑 書葬 當絕 不明每臣子詞 桓十有二年十有 鄭驪公注釁明  
侯夷吾卒注釁 其君諸兒九年 乙酉宋公燭卒 陳侯林卒二年莊十年九月荆敗 晉卒十有三年僖三十有二年四  
故不書葬明當 春齊人殺無知 乙酉宋公燭卒 二月葬陳莊公 蔡師于莘以蔡 三月葬衛宣公 月己丑鄭伯捷  
絕也不日月者 七月丁酉葬齊 三年夏四月葬 二月葬陳莊公 侯獻舞歸傳絕 注背殯用兵不 卒注不書葬者  
失眾身死子見 襄公案過時日 隱之夏公伐齊 見書葬者釁以 二月丁丑陳侯也 責者衛弱于齊 殺大夫申侯君  
釁逐故魯之猶 納糾齊小白入 計除 處自卒十有三僖十有四年冬蔡 侯於卒注不書莊 二十有五年五 別有罪無罪  
薛伯定 于齊九月齊人僖九年三月丁丑 年四月葬陳宣 侯於卒注不書莊 二十有五年五 別有罪無罪  
三十有二年十有 取子糾殺之 宋公禦說卒傳 公 葬者潰當絕也 月癸丑衛侯朝宣三年十月丙戌  
二月乙卯晉侯 重耳卒三十有僖十有七年十有 不書葬為襄公 十有八年六月 不用背殯共背 卒注釁明當書 鄭伯蘭卒葬鄭  
三年四月癸巳 二月乙亥齊侯 諱注背殯出會 陳侯欽卒注不 中國而附父離 立不書者以次 子命與盜國同四年六月乙酉鄭  
葬晉文公傳君 小白卒十有八 二十有三年五月 書葬為晉文諱 會其孤不日歧 非錄 僖十有五年四 公子歸生弑其  
在殯而用師危 齊桓公案隱之 卒傳不書葬盈 意于楚 宣十七年正月丁 月癸酉衛侯燬 君夷  
不得葬

禮部公羊 何氏釋例 庚申補刊





曹

許

莒

邾婁

滕

薛

杞

桓九年曹伯使其桓十有五年許叔莊二十七年莒慶隱元年公及邾婁隱七年滕侯卒傳隱十有一年滕侯在二十有七年杞伯來朝注黜杞公不稱侯者方以子貶起伯為

十年正月庚申曹莊十有五年許男新伯終生卒五月同盟于幽莒無大夫大卒桓十有五年邾婁人字人萬人來朝傳稱人夷狄王魯例

莊二十有三年十有一月曹伯射姑卒葬曹莊公注曹達春秋常卒月葬時也始卒日葬月嫌與大國同後卒而不可日人所開世可日不復日

二十有四年曹靈出奔陳傳曹無略小國僂元年獲曹靈傳在名例十有一年滕侯隱俱朝隱滕朝相僂十有四年諸侯城緣陵傳城杞也蓋徐莒魯之

二十有四年曹靈出奔陳傳曹無略小國僂元年獲曹靈傳在名例十有一年滕侯隱俱朝隱滕朝相僂十有四年諸侯城緣陵傳城杞也蓋徐莒魯之

皇清經解 卷之三十三 劉禮部公羊何氏釋例 七 庚申補刊




世見所上以

二十有三年  
庚與來奔

益始同

月日



秦

僖十有五年十一月壬戌晉侯及秦伯戰于韓獲晉侯案偏獸書爵言獲本中國也未能用周禮故諸夏擯之比于戎

楚

莊十年荆敗楚師于莘以蔡侯獻舞歸傳荆州名也州不若國國不若氏氏不若人人不若名名不若字字不若子不言獲不與夷狄獲中國也

吳

二十八年荆伐鄭  
僖元年楚大伐鄭注稱人者為僖公謹與夷狄交婚故進使若中國  
四年楚屈完來盟于師盟于召陵傳楚大夫也不稱使尊屈完以當桓公也再言盟當服楚也  
二十一年宋公楚子陳侯蔡侯鄭伯許男曹伯會于霍執宋公以伐宋楚人使宜申來獻捷傳稱人貶

世間傳所

所

又九年秦人來歸僖公成風之襪案所聞文元年十月丁未楚世子商臣結其君髡成七年吳伐邾注吳罕與中國交至升平世始與魯為禮

元年十月丁未楚世子商臣結其君髡成七年吳伐邾注吳罕與中國交至升平注楚無大夫言世子甚之

乃見故國始見以漸進

禮記

卷之三

禮記

庚申補刊

世聞

十年秦伐晉注合狐之戰敵均不敗晉先  
味以師奔秦可以足矣而猶不知止故  
夷狄之  
十二年秦伯使遂來聘使無大夫醫緣  
公能變也  
十八年秦伯鸞卒注穆公也至此卒者因  
其賢  
宮四年秦伯稻卒  
成十四年秦伯卒

世見所

昭元年秦伯之弟鍼出奔晉傳秦無大夫  
仕諸晉也有于乘之國而不能容其母  
弟故謂之出奔  
五年秦伯卒葬秦景公傳不名夷也匿嫡  
之名也其有嫡繼之也注嫡子生以不  
名合于四竟懼重猛者立之獨異稱以

九年楚子使叔來聘傳始有大夫也不氏  
許夷狄者不一而足也  
十年楚殺其大夫宜申秦屈完得臣起伯  
事極以後有大夫未氏餘傳此  
十二年晉勅林父帥師及楚子戰于郟  
晉師敗績傳大夫不敵君稱名氏以敵  
楚子不與晉而與楚子為禮也  
十八年甲戌楚子旅卒傳吳楚之君不書  
葬辟其號也注至此卒者國其有賢行  
成二年公會楚公子嬰齊于蜀案楚大夫  
氏始此  
襄二十三年庚辰楚子審卒  
二十八年乙未楚子昭卒

吳入州來  
十有五年叔孫僑如會晉士燮云會吳  
于鍾離傳殊會吳外吳也春秋內其國  
而外諸夏內諸夏而外夷狄言自近者  
始也注不殊楚者楚始見所傳聞世尚  
外諸夏不得殊至所聞世又卓然有君  
子之行吳似夷狄羞醜而適見于可殊  
之時故獨殊吳  
襄五年公會晉侯云吳人郟人于戚傳  
吳郟人云則不詞案此為貶郟出非進  
也  
十二年九月吳子乘卒注賢季子姪卒其  
父卒皆不日吳遠于楚  
二十九年闞殺吳子餘祭  
吳子使札來聘傳吳何以有君有大夫賢  
季子讓國也札何以名許夷狄者不一  
而足也不足乎季子許人臣子者必使  
臣子也

昭元年已酉楚子卷卒四年楚子云云淮  
夷會于申注不殊淮夷皆楚子主會行  
義故君子不殊其類順楚而病中國  
子執徐子秋七月楚子云云伏吳執齊  
廣封殺之注伯討月者義兵  
十一年丁巳楚子庚誘齊侯般殺之于申

獲吳以進也注能結日偏戰  
二十七年四月吳滅徐徐注見諍例  
三十年十有二月吳滅徐徐子章禹奔  
楚見三世例  
定四年庚午蔡侯以吳子及楚人戰于伯  
葛楚師敗績傳吳弒子夷狄也而憂中  
國



定九年秦伯卒葬秦哀公  
哀三年十月癸卯秦伯卒四年三月葬秦  
惠公注小國卒葬注于哀公皆卒曰葬  
月案秦非小國因其本爵治之

傳慶何以名絕之為其諱也  
十三年楚公子比自晉歸于楚弒其君處  
于乾谿楚公子棄疾弒公子比  
十六年楚子誘戎蠻子殺之傳何以不名  
夷狄相誘君子不疾也若不疾乃疾之  
也案兩言誘皆惡楚多詐  
二十六年庚申楚子居卒  
哀四年晉人執戎蠻子赤歸于楚傳辟伯  
晉而京師楚也注前楚比滅頓胡遂張  
中國京師自置故名赤使若晉非伯執  
而赤微者自歸于楚

十四年五月於越敗吳于醉李吳子光卒  
哀十一年公會吳伐齊甲戌齊國書帥師  
及吳戰于艾陵齊師敗績獲齊國書案  
說同昭二十三年  
十三年公會晉侯及吳子于黃池傳吳稱  
子去會也先言晉侯不與夷狄主中國  
也言及會兩伯之詞重吳也吳在是天  
下諸侯莫敢不至也

皇清經解卷一千二百八十六終  
皇清經解 卷五百六 劉禮部公羊何氏釋例

嘉應葉 軒舊校  
番禺高學 耀新校  
何庚申補刊



三才圖會  
卷之三

四

